


Broj: 03-02-8164- 7/2023  
Dana, 31.08.2023. godine

01

SKUPŠTINA UNSKO-SANSKOG KANTONA



PREDMET: Prijedlog Zakona o stavljanju van snage Zakona o upravljanju otpadom,  
dostavlja se

Na osnovu člana 120. i 133. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu akta dostavljamo vam Prijedlog Zakona o stavljanju van snage Zakona o upravljanju otpadom, uz sljedeće:

### Obrazloženje

Vlada Unsko-sanskog kantona je na svojoj 47. sjednici održanoj dana 31.08.2023. godine razmatrala i Zaključkom broj: 03-02-2190-792/2023 utvrdila Prijedlog Zakona o stavljanju van snage Zakona o upravljanju otpadom, obrađivača Ministarstva Ministarstva za građenje, prostorno uređenje i zaštitu okoliša i predlaže se Skupštini Unsko-sanskog kantona da se isti u skladu sa članom 133. Poslovnika Skupštine Unsko-sanskog kantona, pretresa po skraćenom postupku bez nacrtu zakona.

S poštovanjem,

Prilog:

- Prijedlog Zakona o stavljanju van snage Zakona o upravljanju otpadom
- Zaključak Vlade Unsko-sanskog kantona broj: 03-02-2190-792/2023 od 31.08.2023. godine

Dostavljeno:  
1. Naslovu  
2. a/a

PREMIJER KANTONA  
mr.sci. Mustafa Ružnić



Na osnovu člana 16. Zakona o Vladi Unsko-sanskog kantona ("Službeni glasnik Unsko-sanskog kantona", broj: 5/08), na prijedlog Ministarstva za građenje, prostorno uređenje i zaštitu okoliša, Vlada Unsko-sanskog kantona na 47. sjednici održanoj dana 31.08.2023. godine, d o n o s i

## ZAKLJUČAK

### I

Utvrđuje se Prijedlog Zakona o stavljanju van snage Zakona o upravljanju otpadom, obrađivača Ministarstva za građenje, prostorno uređenje i zaštitu okoliša i isti se upućuje Skupštini Unsko-sanskog kantona u dalju proceduru i predlaže da se isti razmatra po skraćenom postupku, bez nacрта.

### II

Ovaj Zaključak stupa na snagu danom donošenja.

Broj: 03-02-2190-792/2023  
Sanski Most, 31.08.2023. godine



Na osnovu člana 11.b) odjeljka A, poglavlja V i člana 3.c) poglavlja IV Ustava Unsko-sanskog kantona – prečišćeni tekst („Službeni glasnik Unsko-sanskog kantona“, broj: 01/04 i 11/04), na prijedlog Vlade Unsko-sanskog kantona, Skupština Unsko-sanskog kantona, na \_\_\_\_\_ sjednici održanoj dana \_\_\_\_\_ godine, d o n o s i:

## **ZAKON O STAVLJANJU VAN SNAGE ZAKONA O UPRAVLJANJU OTPADOM**

### **Član 1. (Predmet Zakona)**

Zakon o upravljanju otpadom („Službeni glasnik Unsko-sanskog kantona“, broj: 4/12 i 8/14) stavlja se van snage.

### **Član 2. (Važenje podzakonskih propisa )**

Pravilnik o načinu vođenja registra i sadržaja i forme izvještaja o otpadu („Službeni glasnik USK-a“ broj: 30/12) i Pravilnik o vođenju evidencije o otpadu („Službeni glasnik USK-a“ broj: 30/12) i Odluka o finansijskim i drugim garancijama za pokrivanje troškova rizika od mogućih šteta, sanacije i postupaka nakon zatvaranja deponije („Službeni glasnik USK-a“ broj: 23/12), kao provedbeni propisi doneseni na osnovu Zakona o upravljanju otpadom („Službeni glasnik Unsko-sanskog kantona“, broj: 4/12 i 8/14) prestaju da važe danom stupanja na snagu ovog Zakona.

### **Član 3. (Primjena zakona)**

Upravni postupci pokrenuti na osnovu Zakona o upravljanju otpadom („Službeni glasnik Unsko-sanskog kantona“, broj: 4/12 i 8/14) okončat će se se po odredbama tog Zakona.

### **Član 4. (Stupanje na snagu Zakona)**

Ovaj Zakon stupa na snagu osmog dana od dana objavljivanja u „Službenom glasniku Unsko-sanskog kantona“

Broj: \_\_\_\_\_  
Bihać, \_\_\_\_\_ 2023. godine

Predsjedavajući Skupštine  
Unsko-sanskog kantona

Jasmin Musić, mr. politologije

# OBRAZLOŽENJE ZAKONA O STAVLJANJU VAN SNAGE ZAKONA O UPRAVLJANJU OTPADOM

## I USTAVNI OSNOV

Ustavni osnov za donošenje Zakona sadržan je u odredbi člana 11.b) odjeljka A, poglavlja V i člana 3.c) poglavlja IV Ustava Unsko-sanskog kantona-prečišćeni tekst („Službeni glasnik Unsko-sanskog kantona“, broj: 01/04 i 11/04), kojom je regulirano da Skupština Kantona donosi zakone kantona i da su Kanton i federalna vlast ovlašteni za politiku zaštite čovjekove okoline.

## II RAZLOZI ZA DONOŠENJE ZAKONA

Skupština Unsko-sansko kantona na 18. sjednici održanoj dana 19.01.2012. godine donijela je Zakon o upravljanju otpadom („Službeni glasnik Unsko-sanskog kantona“, broj: 4/12), a na 47. sjednici održanoj dana 16.04.2014. godine Zakon o izmjenama i dopunama Zakona o upravljanju otpadom („Službeni glasnik Unsko-sanskog kantona“, broj: 4/12 i 8/14).

Materija koja je tretirana Zakonom o upravljanju otpadom USK-a uređena je i federalnim Zakonom o upravljanju otpadom („Službene novine Federacije BiH“, broj 33/03, 72/09 i 92/17), te je pored toga federalnim Zakonom tretirana i materija koja nije u nadležnosti kantona (opasni otpad, posebne vrste otpada, prekogranični promet otpada, informacijski sistem i sl.).

Shodno Zakonu o upravljanju otpadom F BiH, federalna nadležnost je izrada strategija, planova, zakona i propisa o upravljanju otpadom iz nadležnosti FBiH, aktivnosti vezane za prekogranično kretanje otpada, sve aktivnosti upravljanja otpadom (uključujući postrojenja za tretman) koje su locirane ili obuhvataju dva ili više kantona Federacije, te kontrola sistema produžene odgovornosti proizvođača i izdavanje dozvole operaterima za posebne kategorije otpada i vođenje baze podataka navedenih operatera, dok su kantoni nadležni za upravljanje komunalnim otpadom i utvrđivanje lokacija za izgradnju infrastrukture za upravljanje otpadom, za izradu kantonalnih strategija i planova za upravljanje otpadom, izradu propisa u kantonalnoj nadležnosti, te izdavanje dozvola za aktivnosti upravljanja otpadom.

Prilikom primjene Zakona o upravljanju otpadom USK-a uočeno je da je nesvrshodno postojanje ovakvog Zakona s obzirom da se svakodnevna primjena ovog Zakona svodi na primjenu odredbi koje su jednako uređene i u jednom i drugom zakonu, dok je postupanje sa opasnim otpadom, posebnim kategorijama otpada, prekogranični promet otpada, informacijski sistem i sl. u federalnoj nadležnosti, te je kao takav taj dio oblasti uređen Zakonom o upravljanju otpadom F BiH i podzakonskim propisima donešenim na osnovu federalnog zakona.

Iz navedenih razloga drugi kantoni u Federaciji BiH nisu uređivali oblast upravljanja otpadom na nivou kantona (osim SBK-a), odnosno donosili kantonalne propise iz te oblasti, a što je svakako još jedan razlog za stavljanje van snage Zakona o upravljanju otpadom Unsko-sanskog kantona.

Shodno članu 2. tačka c) poglavlja III Ustava Federacije BiH i članu 3 tačka c) poglavlja IV Ustava Unsko-sanskog kantona-prečišćeni tekst („Sl.glasnik USK-a“, broj: 1/04 i 11/04) federalna vlast i kantoni nadležni su za politiku zaštite čovjekove okoline. Dakle, u konkretnom slučaju radi se o zajedničkoj nadležnosti federalne vlasti i kantona u oblasti zaštite čovjekove okoline, a ne isključivoj nadležnosti kantona. U tom smislu na nivou Federacije BiH donesen je Zakon o upravljanju otpadom kojim je uređena oblast upravljanja otpadom i koji primjenjuju svi kantoni u F BiH. Naime, u F BiH jedino su SBK i USK donijeli kantonalni Zakon o upravljanju otpadom. Primjera radi isto je primjenjeno i kod Zakona o zaštiti okoliša, koji također shodno članu 2. tačka c) poglavlja III Ustava Federacije BiH spada u oblast politike zaštite čovjekove okoline koja je zajednička nadležnost federalne vlasti i kantona, a donesen je samo Zakon o zaštiti okoliša Federacije BiH koji se primjenjuje kako od strane federalne nivoa vlasti, tako i na području svih kantona, odnosno nema kantonalnih zakona o zaštiti okoliša.

Radi se o zahtjevnoj i problematičnoj oblasti koja mora biti usklađena sa propisima EU, te u tom smislu Federalno ministarstvo okoliša i turizma kao nadležno radi na usklađivanju propisa sa propisima EU i donošenjem pozakonskih akata.

Bosna i Hercegovina je dobivanjem statusa države kandidata od 15.decembra 2022.godine ušla u novu fazu procesa pristupanja u EU. Jedan od narednih koraka u procesu pristupanja jeste otvaranje pregovora o članstvu u EU te analitički pregled pravne stečevine kojim se utvrđuje da li postoje određene neusklađenosti države kandidata sa zahtjevima koji proizilaze iz pravne stečevine EU. Usklađivanje se treba provoditi planski, koordinirano i na harmoniziran način, transparentno, na cijeloj teritoriji Bosne i Hercegovine kako bi se u dogledno vrijeme ispunili pravni kriteriji koji proizilaze kao zahtjev za članstvo u EU. Prioritet u postupku Programa integrisanja BiH u EU je usklađivanje propisa na višim nivoima vlasti što znači da će se prvenstveno usklađivati Zakon o upravljanju otpadom („Službene novine Federacije BiH“, broj 33/03, 72/09 i 92/17) i podzakonski akti koji proizilaze iz tog Zakona.

Slijedom navedenog ističemo da ovo Ministarstvo aktivno učestvuje u izradi propisa i podzakonskih akata iz oblasti zaštite okoliša na federalnom nivou, te će kao takvo biti uključeno u donošenje i usklađivanje propisa iz oblasti upravljanja otpadom i na federalnom nivou sa pravnom stečevinom EU.

Odredbe Zakona o upravljanju otpadom (Sl. glasnik USK. br. 4/12 i 8/14) se suštinski podudaraju sa odredbama federalnog Zakona o upravljanju otpadom („Službene novine Federacije BiH“, broj 33/03, 72/09 i 92/17).

Također, bitno je istaknuti da je UNDP kancelarija u Bosni i Hercegovini u okviru projekta „Okolinski prihvatljivo upravljanje postojećim organskim zagađujućim materijama (POPs) u industrijskom sektoru i sektoru upravljanja opasnim otpadom (POPs projekat), uz finansijsku podršku Švedske vlade implementirala niz aktivnosti. Projekat je imao za cilj smanjivanje rizika po ljudsko zdravlje i okoliš kroz prevenciju nastanka nenamjerno ispuštenih POPs (U-POPs), prelazak na hemikalije koje ne sadrže POPs supstance u industriji plastike i okolinski prihvatljivo uništavanje najmanje 50 tona otpada koji sadrži POPs.

Jedna od komponenti projekta bila je i „Izrada zakonodavnih akata i obuka za primjenu Štokholmske konvencije u Bosni i Hercegovini“ čija implementacija ima za cilj izradu novih i unapređenje postojećih propisa u BiH u skladu sa zahtjevima Štokholmske konvencije i EU acquis iz oblasti hemikalija i opasnog otpada.

U okviru ovog projekta u kojem su aktivno učestvovali i predstavnici ovog Ministarstva kao članovi radne grupe, predviđena je izmjena određenih zakonskih i podzakonskih propisa između ostalog i Zakona o upravljanju otpadom Federacije BiH. Prednacrt Zakona o izmjenama i dopunama Zakona o upravljanju otpadom („Službene novine Federacije BiH“, broj: 33/03, 72/09 i 92/17) već je dostavljen kantonima, kao i ostalim zainteresiranim subjektima i institucijama na davanje komentara, čije su izmjene između ostalog vezane za izradu provedbenog propisa kojim će se uvjeti za određivanje odlaganja otpada na deponije, način, postupci kontrole, praćenje i nadzor, kao i ostali tehnički uvjeti, uvjeti rada za odlagališta otpada, način i uvjeti odlaganja otpada urediti posebnim propisom, a kako bi se u što većoj mjeri izvršilo usklađivanje zakona sa zakonodavstvom Evropske unije.

Shodno svemu navedenom, Zakon o upravljanju otpadom USK-a se u cijelosti mora mjenjati i dopunjavati, budući da je isti prevaziđen u svom sadašnjem kontekstu. Vršiti izmjene i dopune ovakvog teksta Zakona nije pravno opravdano budući da bi primjena ovakvog propisa bila otežana i teška za primjenu, te da cjelokupna materija upravljanja otpadom nije u nadležnosti kantona.

Uvažavajući sugestiju Ureda za zakonodavstvo u kojoj se navodi da su federalni propisi odnosno Zakon o izmjenama i dopunama Zakona o upravljanju otpadom („Službene novine Federacije BiH“, broj: 33/03, 72/09 i 92/17) u fazi donošenja, da je potrebno precizirati pravnu egzistenciju prava i obaveza stečenih po osnovu Zakona o upravljanju otpadom („Službeni glasnik Unsko-sanskog kantona“, broj: 4/12 i 8/14), ističemo da ovo Ministarstvo primjenom ovih propisa izdaje upravni akt odnosno rješenje o dozvoli upravljanja otpadom, kojih je trenutno na snazi 6, kao pravni osnov ovih rješenja obavezno se navodi Zakon o upravljanju otpadom („Službene novine Federacije BiH“, broj: 33/03, 72/09 i 92/17) koji i tretira donošenje istih i koji je na snazi, slijedom čega nema pravne smetnje u tom smislu za stavljanje istog van snage Zakona o upravljanju otpadom („Službeni glasnik Unsko-sanskog kantona“, broj: 4/12 i 8/14).

Bitno je istaći da je Vlada Federacije Bosne i Hercegovine u okviru projekta BiH ESAP 2030<sup>+</sup>, dana 25.08.2022. godine usvojila Federalnu strategiju zaštite okoliša 2022-2032.godina i uputila je u parlamentarnu proceduru. U sklopu samog projekta bilo je uspostavljeno 28 radnih grupa, sedam tematskih grupa (Voda, Otpad; Biodiverzitet i očuvanje prirode; Kvalitet zraka, klimatske promjene i energija; Sigurnost hemikalija i buka; Upravljanje resursima i Upravljanje okolišem) za svaki nivo vlasti u BiH. Svaka grupa imala je predsjedavajućeg iz relevantne državne institucije. Osim toga, svaka grupa imala je dopredsjedavajućeg odnosno voditelja radne grupe, sa funkcijom vodećeg eksperta za određenu tematsku oblast i facilitatora radne grupe.

Kao članovi navedenih Radnih grupa, aktivno su učestvovali i predstavnici ovog Ministarstva u svakoj od 7 oblasti.

Uloga radnih grupa i njihovih članova u ovom projektu ogledala se u slijedećem : procjeni trenutnog stanja okoliša, prepoznavanje ključnih izazova i nedostataka za svaku tematsku oblast, na osnovu postojećih i dostupnih podataka i informacija, doprinos u razvoju i

postavljanju prioriteta tematskih ciljeva, pod-ciljeva te određenih mjera i akcija za svaku tematsku oblast, osiguranje neophodnih informacija/dokumentacije i dijeljenje znanja, aktivno učestvovanje na sastancima i javnim događajima, kao i davanje komentara na predložena rješenja ESAP dokumenata za određenu tematsku grupu.

Navedenom Strategijom, pored ostalih oblasti, određuju se i strateški ciljevi u oblasti upravljanja otpadom na nivou BiH kao npr. uspostavljanje pouzdanog sistemema izvještavanja i monitoringa o otpadu, unaprijeđenje finansijskih mehanizama za održivo upravljanje čvrstim otpadom, stvaranje uslova za adekvatno zbrinjavanje komunalnog otpada, smanjenje ukupne količine proizvedenog komunalnog otpada, stvaranje sistema za odvojeno sakupljanje otpada, smanjenje količine komunalnog otpada na odlagalištima, rad na uklanjanju divljih odlagališta, izrada i usvajanje Akcionih Planova implementacije direktiva iz sektora upravljanja otpadom u skladu sa dinamikom četverogodišnjeg Programa integrisanja BiH i Planovima implementacije, a što će biti i osnov za izradu ostalih strateških dokumenata, kao i zakonskih rješenja.

Kao primjer prevaziđenosti Zakona o upravljanju otpadom („Službeni glasnik Unsko-sanskog kantona“, broj: 4/12 i 8/14) ističemo i činjenicu da je ovo Ministarstvo nakon donošenja Zakona o upravljanju otpadom donijelo Pravilnik o načinu vođenja registra i sadržaja i forme izvještaja o otpadu („Službeni glasnik USK-a“ broj: 30/12) kojim je propisan način vođenja registra podataka o proizvodnji otpada, upravljanju i postupanju sa otpadom, te sadržaj i forma izvještaja o otpadu, te Pravilnik o vođenju evidencije o otpadu („Službeni glasnik USK-a“ broj: 30/12) kojim je propisan oblik, sadržaj i način popunjavanja evidencije djelovodnika otpada sa podacima o porijeklu otpada, upravljanju i postupanju sa otpadom, kao i lokacija odlaganja otpada, količini i vrsti otpada u skladu sa katalogom otpada utvrđenim odredbama Pravilnika o kategorijama otpada sa listama („Službene novine FBiH“, broj: 9/05) i obrasca o transportu otpada.

Shodno Zakonu o izmjenama i dopunama Zakona o upravljanju otpadom („Službene novine F BiH“, broj: 92/17) Vlada FBiH je na prijedlog Federalnog ministarstva okoliša i turizma donijela Uredbu o informacionom sistemu upravljanja otpadom („Službene novine F BiH“, broj: 97/18) kojom je na cijelom području Federacije BiH uspostavljen zajednički informacioni sistem upravljanja otpadom, sa obavezom primjene za sve kantone.

Sastavni dio Uredbe su opšti registracijski obrazac, izvještajni obrazac subjekta čija je primarna djelatnost vezana za aktivnost upravljanja otpadom, izvještajni obrazac subjekta koji u sklopu svoje osnovne djelatnosti produkuje otpad ili neiskoristive nusproizvode u proizvodnom procesu, koji službe u svrhu prikupljanja podataka o otpadu.

Stupanjem na snagu navedene Uredbe o informacionom sistemu upravljanja otpadom („Službene novine F BiH“, broj: 97/18) donešeni Pravilnik o načinu vođenja registra i sadržaja i forme izvještaja o otpadu i Pravilnik o vođenju evidencije o otpadu su postali prevaziđeni i nepotrebni.

Pored navedenog, Federalno ministarstvo okoliša i turizma je shodno Zakonu o upravljanju otpadom F BiH u obavezi donijeti niz podzakonskih propisa od kojih je veći dio donesen dok je za jedan dio podzakonskih propisa postupak donošenja u toku, a koji su obavezi primjene i od strane kantona.

Svi podzakonski propisi koji se donesu moraju biti usklađeni sa propisima EU i postoji obaveza poštivanja i primjene od strane kantona.

Dakle, shodno navedenom zastupljen je sistem unificiranih propisa na području, strateških ciljeva i jednake prakse u Federaciji BiH u oblasti upravljanja otpadom.

Bitno je istaknuti da Zakonom o upravljanju otpadom F BiH nije propisana obaveza donošenja kantonalnih zakona o upravljanju otpadom, već da je istim definisano da je sakupljanje i tretiranje komunalnog otpada u nadležnosti kantona, a što će se urediti posebnim propisom o komunalnim djelatnostima.

Dakle, shodno navedenom kantoni su nadležni za komunalni otpad, a koji se tretira Zakonom o komunalnim djelatnostima.

Shodno Zakonu o upravljanju otpadom F BiH obaveza donošenja propisa od strane kantona odnosi se na uređenje komunalnih djelatnosti, te je u tom smislu ovo Ministarstvo donijelo Zakon o komunalnim djelatnostima kojim je regulisana oblast upravljanja komunalnim otpadom, osnivanje i rad komunalnih preduzeća, pružanje komunalnih usluga, obaveze Kantona i Gradova/Općina i sl.

S obzirom na sve navedeno, smatramo da se predmetni Zakon o upravljanju otpadom USK-a pokazao nesvrhsihodnim i prevaziđenim, te da je njegovo postojanje samo formalno-pravno, a iziskuje kontinuirane izmjene i usklađivanje sa zakonskim i podzakonskim propisima višeg ranga i propisima EU.

### III OBRAZLOŽENJE POJEDINIH ODREDBI ZAKONA

Obrazloženje člana 1.

Članom 1. propisano je da se stavlja van snage Zakon o upravljanju otpadom („Službeni glasnik Unsko-sanskog kantona“, broj: 4/12 i 8/14) .

Obrazloženje člana 2.

Članom 2. definisano je da provedbeni propisi prestaju da važe danom stupanja na snagu ovog Zakona. Naime, riječ je o tri propisa: Odluci o finansijskim i drugim garancijama za pokrivanje troškova rizika od mogućih šteta, sanacije i postupaka nakon zatvaranja deponije („Službeni glasnik USK-a“ broj: 23/12), Pravilniku o načinu vođenja registra i sadržaja i forme izvještaja o otpadu („Službeni glasnik USK-a“ broj: 30/12), i Pravilniku o vođenju evidencije o otpadu („Službeni glasnik USK-a“ broj: 30/12).

Shodno Zakonu o izmjenama i dopunama Zakona o upravljanju otpadom („Službene novine F BiH“, broj: 92/17) Vlada FBiH je na prijedlog Federalnog ministarstva okoliša i turizma donijela Uredbu o informacionom sistemu upravljanja otpadom („Službene novine F BiH“, broj: 97/18) kojom je na cijelom području Federacije BiH uspostavljen zajednički informacioni sistem upravljanja otpadom, sa obavezom primjene za sve kantone. Stupanjem na snagu navedene Uredbe o informacionom sistemu upravljanja otpadom („Službene novine F BiH“, broj: 97/18) donešeni Pravilnik o načinu vođenja registra i sadržaja i forme izvještaja o otpadu i Pravilnik o vođenju evidencije o otpadu su postali prevaziđeni i nepotrebni.

Vežano za Odluku o finansijskim i drugim garancijama za pokrivanje troškova rizika od mogućih šteta, sanacije i postupaka nakon zatvaranja deponije USK-a, ističemo da ista Uredba postoji na federalnom nivou- Uredba o finansijskim i drugim garancijama za

pokrivanje troškova rizika od mogućih šteta, sanacije i postupaka nakon zatvaranja deponije („Službene novine F BiH“, broj. 39/06) i da istu primjenjuju i ostali kantoni u F BiH.

Obrazloženje člana 3.

U članu 3. ovog Zakona definisana je primjena Zakona o upravljanju otpadom, odnosno propisano da će se upravni postupci pokrenuti na osnovu Zakona o upravljanju otpadom („Službeni glasnik Unsko-sanskog kantona“, broj: 4/12 i 8/14) okončati po odredbama tog Zakona.

Obrazloženje člana 4.

U članu 4. definiran je rok za stupanje na snagu Zakona.

#### IV PRIJEDLOG ZA DONOŠENJE ZAKONA PO SKRAĆENOM POSTUPKU

Članom 133. Poslovnika o radu Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), utvrđeno je da kad je to programom rada Skupštine predviđeno ili kad nije u pitanju složen i obiman zakon, podnosilac prijedloga zakona može umjesto nacрта da podnese prijedlog zakona i da predloži da se prijedlog zakona pretresa po skraćenom postupku bez nacрта zakona.


Programom rada Vlade i Programom rada Skupštine Unsko-sanskog kantona za 2023. godinu predviđeno je donošenje Zakona o stavljanju van snage Zakona o upravljanju otpadom.

Obzirom da se u konkretnom slučaju ne radi o složenom i obimnom zakonu kojim se utvrđuju nova pravna rješenja ili regulišu složeni društveni odnosi i koji će proizvesti ozbiljne pravne posljedice i izazvati finansijske efekte, već o Zakonu kojim prestaje važenje Zakona o stavljanju van snage Zakona o upravljanju otpadom, ovo Ministarstvo predlaže Vladi Kantona da utvrdi prijedlog Zakona, te istovremeno Skupštini Kantona predloži da se prijedlog Zakona pretresa po skraćenom postupku, bez nacрта.

#### V PROCJENA EKONOMSKE OPRAVDANOSTI DONOŠENJA OVOG ZAKONA, OBRAZLOŽENJE FINANSIJSKIH SREDSTAVA ZA PROVOĐENJE ZAKONA I FINANSIJSKI UČINCI PROPISA

Za provođenje ovog Zakona nije potrebno obezbijediti dodatna sredstva u Budžetu Unsko-sanskog kantona.

MINISTAR  
Senad Dizdarić, dipl.pravnik





Broj:  
Bihać,  
11/4

U skladu sa 17. Poslovnika o radu Vlade Unsko-sanskog kantona („Službeni glasnik Unsko-sanskog kantona“, broj: 21/21), Ministarstvo za građenje, prostorno uređenje i zaštitu okoliša daje sljedeće:

### O B R A Z L O Ž E N J E

za razmatranje Prijedloga Zakona o stavljanju van snage Zakona o upravljanju otpadom po skraćenom postupku

Odredbom člana 17. Poslovnika o radu Vlade Unsko-sanskog kantona utvrđeno je da se u skladu sa poslovníkom Skupštine Kantona mora u posebnom aktu navesti konkretni razlozi zbog kojih je neophodno da se zakon donese po skraćenom, odnosno hitnom postupku.

Članom 133. Poslovnika o radu Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), utvrđeno je da kad je to programom rada Skupštine predviđeno ili kad nije u pitanju složen i obiman zakon, podnosilac prijedloga zakona može umjesto nacрта da podnese prijedlog zakona i da predloži da se prijedlog zakona pretresa po skraćenom postupku bez nacрта zakona.

Programom rada Vlade i Programom rada Skupštine Unsko-sanskog kantona za 2023. godinu predviđeno je donošenje Zakona o stavljanju van snage Zakona o upravljanju otpadom.

Međutim, s obzirom da se u konkretnom slučaju ne radi o složenom i obimnom zakonu kojim se utvrđuju nova pravna rješenja ili regulišu složeni društveni odnosi i koji će proizvesti ozbiljne pravne posljedice i izazvati finansijske efekte, već o Zakonu kojim prestaje važenje Zakona o stavljanju van snage Zakona o upravljanju otpadom, ovo Ministarstvo predlaže Vladi Kantona da utvrdi prijedlog Zakona, te istovremeno Skupštini Kantona predloži da se prijedlog Zakona pretresa po skraćenom postupku, bez nacрта.

S poštovanjem,

MINISTAR  
Senad Dizdajić, dipl.pravnik



Broj: 04- 02 - 7677 - 3 /23  
Bihać, 19.07.2023. godine

Ministarstvo za građenje, prostorno uređenje  
i zaštitu okoliša

PREDMET: Mišljenje o fiskalnoj procjeni, dostavlja se;  
Veza, Vaš akt broj : 11-02-7677-1/23 godine od 17.07.2023. godine

Shodno članu 16. stav 1. Alineja 3. Poslovnika o radu Vlade Unsko-sanskog kantona ("Službeni glasnik Unsko-sanskog kantona" broj: 21/21 ), Ministarstvo finansija je u obavezi dati mišljenje na nacrt i prijedlog drugog propisa, odnosno drugog općeg akta, ako njegovo provođenje zahtjeva osiguranje posebnih sredstava, potrebnih za izvršenje propisa.

Dalje, po odredbi člana 1. i 2. stav ( 2 ) Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet ("Službene novine FBiH " broj: 34/16 i 15/18), obrađivač propisa i akata planiranja izrađuje izjavu o fiskalnoj procjeni prilikom izrade tih propisa i akata koje Vlada Federacije Bosne i Hercegovine, odnosno vlada kantona utvrđuje, donosi, odnosno na koje daje saglasnost, te propisa i akata planiranja koje Vlada predlaže Parlamentu Federacije Bosne i Hercegovine, odnosno Skupštini kantona. U skladu sa naprijed citiranim Pravilnikom, Ministarstvo finansija razmatra i daje svoje mišljenje o fiskalnoj procjeni propisa ili akata planiranja, te dostavlja mišljenje obrađivaču propisa u roku koji je utvrđen Poslovníkom o radu Vlade. Slijedom gore navedenog dajemo sljedeće:

### Mišljenje

Ministarstvo za građenje, prostorno uređenje i zaštitu okoliša je svojim aktom, broj i datum gornji Ministarstvu finansija dostavilo Prijedlog Zakona o stavljanju van snage Zakona o upravljanju otpadom, te Obrazac izjava o fiskalnoj procjeni ( ovjeren i potpisan od strane ovlaštene osobe: Obrazac IFP-NE ). Obrađivač akta je u obrazloženju naveo da : "Donošenje Zakona o stavljanju van snage Zakona o upravljanju otpadom neće rezultirati fiskalnim učinkom u smislu stvaranja fiskalnih posljedica na Budžet Unsko-sanskog kantona niti na budžete lokalnih zajednica, odnosno neće biti potrebno osigurati dodatna sredstva u budžetima".

Obrađivač akta je postupio u skladu s članom 7. stav (1) Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet, te ovaj organ može dati pozitivno mišljenje.

S poštovanjem,

1. Naslovu
2. Minist.finsija
3. a/a

Po ovlaštenju ministra  
*Emisa Midžić*  
Emisa Midžić, dpl.ecc.



20.07.2023.

11/42282/2023

20.07.2023

Broj: 07-02-7677- 2/23  
Bihać, 19.07.2023. godine

MINISTARSTVO ZA GRAĐENJE, PROSTORNO  
UREĐENJE I ZAŠTITU OKOLIŠA

-ovdje-

PREDMET: Mišljenje, dostavlja se;  
Veza: Vaš akt broj: 11-02-7677-1/23 od 17.07.2023. godine

Na osnovu člana 16. stav (1) alineja 2. Poslovnika o radu Vlade Unsko-sanskog kantona („Službeni glasnik Unsko-sanskog kantona,“ broj: 21/21), na Prijedlog Zakona o stavljanju van snage Zakona o upravljanju otpadom, Ministarstvo pravosuđa i uprave, daje slijedeće:

MIŠLJENJE

Prijedlog Zakona o stavljanju van snage Zakona o upravljanju otpadom, Ministarstva za građenje, prostorno uređenje i zaštitu okoliša Unsko-sanskog kantona *ne sadrži* odredbe kojima se reguliše materija iz člana 16. stav (1) alineja 2. Poslovnika o radu Vlade Unsko-sanskog kantona, u kojem je utvrđeno da ovo Ministarstvo daje mišljenje na nacрте i prijedloge propisa u pogledu njihove *usklađenosti s propisima o ostvarivanju ljudskih prava i sloboda, organizacije pravosuđa, organizacije organa uprave i upravnih organizacija i odredaba o sankcijama.*

S poštovanjem!



MINISTAR  
Dragan Poljanec, dipl. pravnik

Dostaviti:  
Ⓛ Naslovu  
- a/a



Broj: 21-02-7677- 6 /23  
Bihać, 26.07.2023. godine

N/4  
28. 07. 2023

## MINISTARSTVO ZA GRAĐENJE, PROSTORNO UREĐENJE I ZAŠTITU OKOLIŠA

PREDMET: Mišljenje na prijedlog Zakona o stavljanju van snage Zakona o upravljanju  
otpadom, dostavlja se;-

Na osnovu člana 4. Uredbe o Uredu za zakonodavstvo Vlade Unsko-sanskog kantona  
("Sl. glasnik Unsko-sanskog kantona" broj: 9/11, 22/11 i 7/18), Ured za zakonodavstvo Vlade  
Unsko-sanskog kantona daje sljedeće

### MIŠLJENJE

na prijedlog Zakona o stavljanju van snage Zakona o upravljanju otpadom

Ustavni osnov za donošenje predmetnog Zakona sadržan je u odredbi člana 11. b)  
odjeljak A.2. poglavlja V DJELOKRUG SKUPŠTINE KANTONA, Ustava Unsko-sanskog  
kantona-Prečišćeni tekst („Službeni glasnik Unsko-sanskog kantona“, broj: 1/04 i 11/04) kojim  
je definisano ovlaštenje Skupštine Kantona za donošenje Zakona.

Nakon izvršene analize teksta prijedloga Zakona o stavljanju van snage Zakona o  
upravljanju otpadom (u daljnjem tekstu: Zakon) i iz obrazloženja dostavljenog uz predmetni  
Zakon, vidljivo je da je prednacrt Zakona o izmjenama i dopunama Zakona o upravljanju  
otpadom („Službene novine Federacije BiH“, broj: 33/03, 72/09 i 92/17) dostavljen kantonima  
na davanje komentara, čije su izmjene, između ostalog, vezane za izradu provedbenih propisa.  
Nadalje, u obrazloženju navodite da je Vlada Federacije Bosne i Hercegovine, u okviru projekta  
BiH ESAP 2030, usvojila Federalnu strategiju zaštite okoliša 2022-2032. godina i uputila je u  
parlamentarnu proceduru.

S obzirom da su navedeni federalni propisi u fazi donošenja, sugerišemo da precizirate  
pravnu egzistenciju prava i obaveza stečenih po osnovu Zakona o upravljanju otpadom  
 („Službeni glasnik Unsko-sanskog kantona“, broj: 4/12 i 8/14), koji se stavlja van pravne snage  
a sve u cilju očuvanja pravne sigurnosti.

Ured za zakonodavstvo Vlade Unsko-sanskog kantona, nakon izvršene analize teksta  
prijedloga Zakona, stava je:

- tekst Zakona izrađen je i dostavljen u skladu sa metodološkim jedinstvom za izradu propisa;
- članom 2. Zakona potrebno je precizno navesti podzakonske propise koji prestaju da važe danom stupanja na snagu ovog Zakona (naziv, broj i godinu službenog glasila u kojem su objavljeni).


Ured za zakonodavstvo Vlade Unsko-sanskog kantona predlaže obrađivaču da, nakon razmatranja sugestija datih na prijedlog Zakona, isti uputi u daljnji postupak.

S poštovanjem.

Dostavljeno:

1. Naslovu
2. a/a

Sekretar Ureda za zakonodavstvo  
Vlade Unsko-sanskog kantona

  
Asija Filan, dipl. pravnik



10.8.23  
2564/23

Broj: 11-02-8164-<sup>2</sup>/23  
Bihać, 09-08-2023 godine  
11/5

- GRAD BIHAĆ, N/R Gradonačelniku
- GRAD CAZIN, N/R Gradonačelniku
- GRAD BOSANSKA KRUPA, N/R Gradonačelniku
- OPĆINA KLJUČ, N/R Općinikom načelniku
- OPĆINA SANSKI MOST, N/R Općinskom načelniku
- OPĆINA BUŽIM, N/R Općinikom načelniku
- OPĆINA BOSANSKI PETROVAC, N/R Općinskom načelniku
- OPĆINA VELIKA KLADUŠA, N/R Općinskom načelniku

PREDMET: Konsultacije, provode se

Ovo Ministarstvo pokrenulo je postupak stavljanja van snage Zakona o upravljanju otpadom ("Službeni glasnik Unsko-sanskog kantona", broj:4/12 i 8/14).

Materija koja je tretirana Zakonom o upravljanju otpadom USK-a uređena je i federalnim Zakonom o upravljanju otpadom („Službene novine Federacije BiH“, broj 33/03, 72/09 i 92/17), te je pored toga federalnim Zakonom tretirana i materija koja nije u nadležnosti kantona (opasni otpad, posebne vrste otpada, prekogranični promet otpada, informacijski sistem i sl.), slijedom čega je ovo Ministarstvo odlučilo isti staviti van snage.

Postupajući u skladu sa odredbom člana 95. Zakona o lokalnoj samoupravi Unsko-sanskog kantona ("Službeni glasnik USK-a", broj: 8/11) u kojoj je, između ostalog, navedeno da su kantonalne vlasti dužne u najvećoj mogućoj mjeri konsultovati jedinice lokalne samouprave, molimo da se u roku od pet dana, računajući od dana dostavljanja ovog akta, očitujete u postupku konsultacija o istom. Ukoliko se u ostavljenom roku ne očitujete o istom cjenićemo da nemate primjedbu na isto. Tekst Zakona o upravljanju otpadom ("Službeni glasnik Unsko-sanskog kantona", broj:4/12 i 8/14) dostupan je na web stranici Vlade USK, alineja "Preuzimanje".

S poštovanjem,

Obradivač:


Alma Osmičević, dipl.pravnik

Prilog: Prijedlog Zakona o stavljanju van snage Zakona o upravljanju otpadom;

Dostaviti:

- Naslovu (8x);

0 a/a



MINISTAR

Senad Dizdarević, dipl.pravnik

BOSNA I HERCEGOVINA  
Federacija Bosne i Hercegovine  
Unsko-sanski kanton  
**OPĆINA SANSKI MOST**  
**OPĆINSKI NAČELNIK**  
Služba za razvoj, poduzetništvo  
i resurse



10 8 123  
2705/23  
11  
BOSNIA AND HERZEGOVINA  
Federation of Bosnia and Herzegovina  
Una-sana canton  
**MUNICIPALITY OF SANSKI MOST**  
**MAYOR**  
Service of Development,  
Entrepreneurship and Resources

Broj: 02-19-5-3054/22  
Datum: 16.08.2023.godine

**Ministarstvo za građenje, prostorno  
uređenje i zaštitu okoliša USK-a**  
**Alije Đerzeleza br.6**  
**BIHAĆ**

17-08-2023  
11-02-8164-3/23  
M/4  
M/5  
topijs  
18.08.23  
Aup

**PREDMET:** Očitovanje u postupku konsultacija, dostavlja se  
Veza: Vaš akt broj 11-02-8164-2/23 od 11.08.2023.godine

Poštovani,


U vezi Vašeg akta broj iz veze, koji se odnosi na provođenje konsultacija kada su u pitanju jedinice lokalne samouprave po pitanju pokretanja postupka stavljanja van snage Zakona o upravljanju otpadom ("Sl.glasnik USK-a", broj: 4/12 i 8/14), želimo Vas upoznati da je općina Sanski Most uložila dosta napora kada je u pitanju provođenje ovog Zakona posebno podzakonskih propisa vezano za Pravilnik o načinu vođenja registra i sadržaja i forme izvještaja o otpadu i Pravilnika o vođenju evidencije o otpadu, koji bi također prestali da važe donošenjem Zakona o stavljanju van snage Zakona o upravljanju otpadom. Nije nam jasno kako dalje provoditi aktivnosti po tom pitanju, jer nam niste dostavili upute po kojim bi postupali dok donošenje ovog Zakona bude u proceduri.

S poštovanjem!

Obrađivač: Karić Aida

**DOSTAVLJENO:**

1. Naslovu
2. A/a



Po ovlaštenju  
**POMOĆNIK NAČELNIKA**

Mevlida Deumić dipl. ing. d.i.



Služba za komunalne djelatnosti,  
vodne resurse, zaštitu okoliša i  
inspekcijske poslove

Department for utility services, water  
resources, environmental protection and  
inspection affairs

Odsjek za komunalne djelatnosti, vodne resurse i zaštitu okoliša

Broj: 06/1-19-2033/23  
Velika Kladuša, 18.8.2023. godine

21-08-2023

11-02-8164-4/23  
114  
115  
kopija  
2023  
Op

Ministarstvo za građenje, prostorno uređenje  
i zaštitu okoliša Unsko-sanskog kantona  
Alije Đerzeleza br. 2, Bihać

**PREDMET: Očitovanje, dostavlja se, -**  
**Veza: Vaš akt broj: 11-02-8164-2/23 od 9.8.2023. godine**

Poštovani,

Dana 17.8.2023. godine smo zaprimili vaš akt, broja i datu na iz veze, u kojem nas obavještavate da ste pokrenuli postupak stavljanja van snage Zakona o upravljanju otpadom („Službeni glasnik Unsko-sanskog kantona“, broj: 4/12 i 8/14) iz razloga jer je materija koja je tretirana tim Zakonom, uređena federalnim Zakonom o upravljanju otpadom („Službene novine Federacije BiH“, broj: 33/03, 72/09 i 92/17) te pozivate Općinu Velika Kladuša da se očituje u postupku konsultacije o istom.

U vezi s tim, ističemo da nemamo nikakvih primjedbi kač je u pitanju predmetni postupak ali koristimo priliku da vam postavimo upit u pogledu obaveze dostavljanja redovnog zbirnog izvještaja o proizvodnji, upravljanju i postupanju s otpadom propisanog članom 41. stav (1) Zakona o upravljanju otpadom („Službeni glasnik USK“, broj: 4/12 i 8/14) te članovima 6. i 10. Pravilnika o načinu vođenja registra i sadržaja i forme izvještaja o otpadu („Službeni glasnik USK“, broj: 30/12).

Ovaj organ zanima da li će, s obzirom da nam nije baš najjasnije kako je to regulisano federalnim Zakonom o upravljanju otpadom, i dalje postojati obaveza ovog organa da vam dostavlja zbirni izvještaj o proizvodnji, upravljanju i postupanju s otpadom, te obaveza proizvođača/vlasnika otpada i operatora sakupljanja, prijevoza i odlaganja otpada za dostavljanje podataka koje smo redovno zapimali u prethodnom periodu.

S poštovanjem!



Šef Odsjeka za komunalne djelatnosti  
vodne resurse i zaštitu okoliša  
Zlatan Sertović dipl. pravnik

Dostaviti:

1. Naslovu,
2. U spis predmeta.



Broj: 11-02-8164- 5 /23

Bihać. 23-08-2023 godine

11/5

OPĆINA SANSKI MOST,  
Služba za razvoj, poduzetništvo i resurse  
Ul. Trg Ljiljana br.1, Sanski Most

PREDMET: Očitovanje na konsultacije,  
- dostavlja se

Ovo Ministarstvo pokrenulo je postupak stavljanja van snage Zakona o upravljanju otpadom ("Službeni glasnik Unsko-sanskog kantona", broj:4/12 i 8/14), slijedom čega vam je prosljedila akt broj: 11-02-8164-2/23 od 09.08.2023. godine kojim vas upoznajemo sa istim.

Dopisom broj: 02-19-5-3054/22 od 16.08.2023. godine očitovali ste se u postupku konsultacija gdje ističete podzakonske akte koji bi se također stavili van snage, i to: Pravilnik o načinu vođenja registra i sadržaja forme izvještaja o otpadu i Pravilnik o vođenju evidencije o otpadu.

Uvažavajući napore koje je Općina Sanski Most ali i sve ostale općine i gradovi Unsko-sanskog kantona uložili u provođenje ovog zakona ovo Ministarstvo ističe slijedeće:

Shodno Zakonu o upravljanju otpadom F BiH ("Službene novine F BiH", broj: 33/03, 72/09 i 92/17) federalna nadležnost je izrada strategija, planova, zakona i propisa o upravljanju otpadom iz nadležnosti FBiH, aktivnosti vezane za prekogranično kretanje otpada, sve aktivnosti upravljanja otpadom (uključujući postrojenja za tretman) koje su locirane ili obuhvataju dva ili više kantona Federacije, te kontrola sistema produžene odgovornosti proizvođača i izdavanje dozvole operaterima za posebne kategorije otpada i vođenje baze podataka navedenih operatera, dok su kantoni nadležni za upravljanje komunalnim otpadom i utvrđivanje lokacija za izgradnju infrastrukture za upravljanje otpadom, za izradu kantonalnih strategija i planova za upravljanje otpadom, izradu propisa u kantonalnoj nadležnosti, te izdavanje dozvola za aktivnosti upravljanja otpadom.

Prilikom primjene Zakona o upravljanju otpadom USK-a uočeno je da je nesvršishodno postojanje ovakvog Zakona s obzirom da se svakodnevna primjena ovog

Zakona svodi na primjenu odredbi koje su jednako uređene i u federalnom zakonu, dok je postupanje sa opasnim otpadom, posebnim kategorijama otpada, prekogranični promet otpada, informacijski sistem i slično u isključivoj federalnoj nadležnosti, te je kao takav taj dio oblasti uređen Zakonom o upravljanju otpadom F BiH i podzakonskim propisima donešenim na osnovu federalnog zakona.

Iz navedenih razloga drugi kantoni u Federaciji BiH nisu uređivali oblast upravljanja otpadom na nivou kantona (osim SBK-a), odnosno donosili kantonalne propise iz te oblasti, a što je svakako još jedan razlog za stavljanje van snage Zakona o upravljanju otpadom Unsko-sanskog kantona.

Odredbe Zakona o upravljanju otpadom se suštinski podudaraju sa odredbama federalnog Zakona o upravljanju otpadom.

U cilju provođenja Zakona o upravljanju otpadom F BiH do sad je donešeno 29 podzakonskih akata kojima se uređuju posebni segmenti otpada i koji se kao takvi primjenjuju i u ovom kantonu. Shodno svemu navedenom, Zakon o upravljanju otpadom USK-a se u cijelosti mora mjenjati i dopunjavati, budući da je isti prevaziđen u svom sadašnjem kontekstu. Vršiti izmjene i dopune ovakvog teksta Zakona nije pravno opravdano budući da bi primjena ovakvog propisa bila otežana i teška za primjenu, te da cjelokupna materija upravljanja otpadom nije u nadležnosti kantona.

Kao primjer prevaziđenosti Zakona o upravljanju otpadom ističemo upravo Pravilnike na koje se vi pozivate. Naime Ministarstvo je nakon donošenja Zakona o upravljanju otpadom donijelo Pravilnik o načinu vođenja registra i sadržaja i forme izvještaja o otpadu kojim je propisan način vođenja registra podataka o proizvodnji otpada, upravljanju i postupanju sa otpadom, te sadržaj i forma izvještaja o otpadu, te Pravilnik o vođenju evidencije o otpadu kojim je propisan oblik, sadržaj i način popunjavanja evidencije djelovodnika otpada sa podacima o porijeklu otpada, upravljanju i postupanju sa otpadom, kao i lokacija odlaganja otpada, količini i vrsti otpada u skladu sa katalogom otpada utvrđenim odredbama Pravilnika o kategorijama otpada sa listama („Službene novine FBiH“, broj: 9/05) i obrasca o transportu otpada.

Shodno Zakonu o izmjenama i dopunama Zakona o upravljanju otpadom iz 2017. Godine, Vlada FBiH je na prijedlog Federalnog ministarstva okoliša i turizma donijela Uredbu o informacionom sistemu upravljanja otpadom („Službene novine F BiH“, broj: 97/18) kojom je na cijelom području Federacije BiH uspostavljen zajednički informacijski sistem upravljanja otpadom, sa obavezom primjene za sve kantone.



Sastavni dio Uredbe su opšti registracijski obrazac, izvještajni obrazac subjekta čija je primarna djelatnost vezana za aktivnost upravljanja otpadom, izvještajni obrazac subjekta koji u sklopu svoje osnovne djelatnosti produkuje otpad ili neiskoristive nusproizvode u proizvodnom procesu, koji služe u svrhu prikupljanja podataka o otpadu.

Stupanjem na snagu navedene Uredbe o informacionom sistemu upravljanja otpadom donešeni Pravilnik o načinu vođenja registra i sadržaja i forme izvještaja o otpadu i Pravilnik o vođenju evidencije o otpadu su postali prevaziđeni i nepotrebni.

Materija koja je tretirana Zakonom o upravljanju otpadom USK-a uređena je i federalnim Zakonom o upravljanju otpadom te je pored toga federalnim Zakonom tretirana i materija koja nije u nadležnosti kantona (opasni otpad, posebne vrste otpada, prekogranični promet otpada, informacijski sistem i sl.), slijedom čega je ovo Ministarstvo odlučilo isti staviti van snage.

S poštovanjem,


Obradivač:  
Alma Osmičević, dipl.pravnik



PO OVLAŠTENJU MINISTRA

Sekretar Ministarstva

Sanela Amidžić dipl.pravnik



Dostaviti:

- Naslovu;

☞ a/a



Broj: 11-02-8164-5/23

Bihać, ~~23-08-2023~~ godine

11/5

## OPĆINA VELIKA KLADUŠA

Služba za komunalne djelatnosti, vodne resurse  
zaštitu okoliša i inspeksijske poslove  
Ul. Hamdije Pozderca br.3, Velika Kladuša

PREDMET: Očitovanje na konsultacije,  
- dostavlja se

Ovo Ministarstvo pokrenulo je postupak stavljanja van snage Zakona o upravljanju otpadom ("Službeni glasnik Unsko-sanskog kantona", broj:4/12 i 8/14), slijedom čega vam je prosljedila akt broj: 11-02-8164-2/23 od 09.08.2023. godine kojim vas upoznajemo sa istim.

Dopisom broj: 06/1-19-2033/23 od 18.08.2023. godine očitovali ste se u postupku konsultacija gdje ističete da nemate primjedbe na isto ali vam u Zakonu o upravljanju otpadom F BiH nije jasno regulisano izvještavanje a vezano za primjenu odredbi Pravilnika o načinu vođenja registra i sadržaja forme izvještaja o otpadu i Pravilnika o vođenju evidencije o otpadu koji se također stavljaju van snage.

U tom kontekstu obavještavamo vas da se odredbe Zakona o upravljanju otpadom USK -a suštinski podudaraju sa odredbama federalnog Zakona o upravljanju otpadom.

U cilju provođenja Zakona o upravljanju otpadom F BiH do sad je donešeno 29 podzakonskih akata kojima se uređuju posebni segmenti otpada i koji se kao takvi primjenjuju i u ovom kantonu.

Ovo Ministarstvo je nakon donošenja Zakona o upravljanju otpadom donijelo Pravilnik o načinu vođenja registra i sadržaja i forme izvještaja o otpadu kojim je propisan način vođenja registra podataka o proizvodnji otpada, upravljanju i postupanju sa otpadom, te sadržaj i forma izvještaja o otpadu, te Pravilnik o vođenju evidencije o otpadu kojim je propisan oblik, sadržaj i način popunjavanja evidencije djelovodnika otpada sa podacima o porijeklu otpada, upravljanju i postupanju sa otpadom, kao i lokacija odlaganja otpada, količini i vrsti otpada u skladu sa katalogom otpada utvrđenim odredbama Pravilnika o

kategorijama otpada sa listama („Službene novine FBiH“, broj: 9/05) i obrasca o transportu otpada.

Shodno Zakonu o izmjenama i dopunama Zakona o upravljanju otpadom iz 2017. godine, Vlada FBiH je na prijedlog Federalnog ministarstva okoliša i turizma donijela Uredbu o informacionom sistemu upravljanja otpadom („Službene novine F BiH“, broj: 97/18) kojom je na cijelom području Federacije BiH uspostavljen zajednički informacioni sistem upravljanja otpadom, sa obavezom primjene za sve kantone.



Sastavni dio Uredbe su opšti registracijski obrazac, izvještajni obrazac subjekta čija je primarna djelatnost vezana za aktivnost upravljanja otpadom, izvještajni obrazac subjekta koji u sklopu svoje osnovne djelatnosti produkuje otpad ili neiskoristive nusproizvode u proizvodnom procesu, koji služe u svrhu prikupljanja podataka o otpadu.

Stupanjem na snagu navedene Uredbe o informacionom sistemu upravljanja otpadom donešeni Pravilnik o načinu vođenja registra i sadržaja i forme izvještaja o otpadu i Pravilnik o vođenju evidencije o otpadu su postali prevaziđeni i nepotrebni.


Slijedom iznesenog ističemo da su svi zainteresirani subjekti koji su uključeni u system upravljanja otpadom dužni postupati prema naprijed navedenoj Uredbi koja uređuje upravo pitanje izvještavanja vezano za upravljanje i postupanje sa otpadom.

S poštovanjem,

Обрађивач:  
Alma Osmičević, dipl.pravnik



PO OVLAŠTENJU MINISTRA  
Sekretar Ministarstva  
Sanela Amidžić dipl.pravnik




Dostaviti:

- Naslovu;

→ a/a







# SLUŽBENI GLASNIK

## UNSKO-SANSKOG KANTONA

Godina XVI - Broj 4

10. februara 2012.  
BIHAĆ

Izdanje na bosanskom  
jeziku

111.

Na osnovu člana 11. tačka b) odjeljka A. poglavlja V i člana 3. tačka c) poglavlja IV Ustava Unsko-sanskog kantona – Prečišćeni tekst („Službeni glasnik Unsko-sanskog kantona“, broj: 1/04 i 11/04), a u vezi člana 9. stav 3. Zakona o upravljanju otpadom („Službene novine Federacije Bosne i Hercegovine“, broj: 33/03 i 72/09), Skupština Unsko-sanskog kantona na 18. redovnoj sjednici, održanoj dana 19.01.2012. godine, donosi

### ZAKON

#### O UPRAVLJANJU OTPADOM

#### I OPĆE ODREDBE

##### Član 1.

##### (Predmet Zakona)

Ovim Zakonom uređuje se način upravljanja otpadom na području Unsko-sanskog kantona (u daljem tekstu: Kanton), a naročito: kategorije i vrste otpada, planiranje upravljanja otpadom na

području Kantona, postupak izdavanja dozvole za upravljanje otpadom, obezbjeđenje uslova za postupanje s otpadom, prava, obaveze i odgovornosti Kantona, Općina, pravnih i fizičkih lica, operatora upravljanja otpadom i proizvođača i vlasnika otpada, finansiranje djelatnosti i aktivnosti upravljanja otpadom, nadzor nad upravljanjem otpadom, nadzor nad provođenjem ovog Zakona, kaznene odredbe i druga pitanja od značaja za upravljanje otpadom na području Kantona.

##### Član 2.

##### (Primjena odredaba Zakona)

(1) Odredbe ovog Zakona primjenjuju se na sve kategorije otpada, kao i na:

- a) otpad nastao izvođenjem radova na istraživanju resursa, ekstrakcijom, tretmanom i iskorištavanjem mineralnih sirovina i radom kamenoloma,
- b) tečni otpad,
- c) mulj nastao u uređajima za prečišćavanje otpadnih voda prilikom njihovog tretmana,

- d) životinjski otpad i druge neopasne materijale prirodnog porijekla koji se mogu koristiti u poljoprivredne svrhe,
- e) odloženi eksploziv, kao i otpad nastao pri traženju, iskopavanju, prevozu i konačnoj obradi ili uništavanju minsko-eksplozivnih sredstava i drugih ubojitih sredstava i eksploziva, osim ako to nije uređeno posebnim propisom.

(2) Odredbe ovog Zakona ne primjenjuju se na:

- a) radioaktivni otpad,
- b) gasove ispuštene u atmosferu,
- c) otpadne vode koje se ispuštaju u površinske vode ili kanalizacionu mrežu.

(3) U upravljanju i postupanju sa otpadom primjenjuju se i odredbe Zakona o zaštiti okoliša ("Sl. novine FBiH", broj 33/03 i 38/09) i Zakona o upravljanju otpadom ("Sl. novine FBiH", broj 33/03 i 72/09).

### Član 3.

#### (Cilj Zakona)

Cilj ovog Zakona je podsticanje i osiguranje najvažnijih uslova radi:

- a) sprečavanja nastajanja otpada,
- b) smanjivanja nastajanja otpada i smanjivanja opasnih svojstava otpada čiji se nastanak ne može spriječiti,
- c) sprečavanja nenadziranog postupanja sa otpadom,
- d) izdvajanja korisnih komponenti otpada za ponovnu upotrebu, za korištenje za proizvodnju energije i njihovo obrađivanje prije odlaganja,
- e) kontroliranog i sigurnog odlaganja otpada,
- f) saniranja otpadom onečišćenog tla,
- g) razvijanja, utvrđivanja i provođenja sistematske edukacije o otpadu.

### Član 4.

#### (Prioriteti u upravljanju otpadom)

(1) Radi postizanja cilja i pravovremenog sprečavanja zagađivanja i smanjenja posljedica po zdravlje ljudi i okoliš, upravljanje otpadom vršit će se na način da osigura:

- a) minimalno nastajanje otpada, a posebno svođenje opasnih karakteristika takvog otpada na minimum,
- b) smanjenje nastalog otpada po količini, posebno uzimajući u obzir tokove otpada,
- c) tretiranje otpada na način kojim se osigurava povrat sirovinskog materijala iz njega,

- d) spaljivanja ili odlaganja na deponije na okolinski prihvatljiv način onih vrsta otpada koje ne podliježu povratu komponenti, ponovnoj upotrebi ili proizvodnji energije.

(2) Kod utvrđivanja prioriteta iz stava (1) ovog člana uzet će se u obzir:

- a) ekološke beneficije,
- b) tehnička izvodljivost za korištenje najbolje raspoložive tehnologije,
- c) ekonomska izvodljivost.

(3) Upravljanje otpadom vršit će se na način da se preduzmu sve neophodne mjere koje osiguravaju tretman i odlaganje otpada bez ugrožavanja zdravlja ljudi, i bez stvaranja štete ili prouzrokovanja značajnog rizika po prirodu, a naročito:

- a) bez rizika po vode, zrak, tlo, životinje i biljke,
- b) bez stvaranja smetnji putem buke ili mirisa,
- c) bez štetnog uticaja po prirodu ili mjesta koja su od posebnog interesa.

## II OPĆA NAČELA I DEFINICIJE

### Član 5.

#### (Načela upravljanja otpadom)

Načela upravljanja otpadom su:

- a) **prevencija** - izbjegavanje nastajanja otpada ili smanjivanje količine i štetnosti nastalog otpada, da bi se smanjio rizik po zdravlje ljudi i okoliš i da bi se izbjegla okolinska degradacija,
- b) **mjere opreznosti** - sprečavanje opasnosti ili šteta po okoliš koju prouzrokuje otpad, preduzimanje mjera, čak i ako nije na raspolaganju potpuna naučna podloga,
- c) **odgovornost proizvođača otpada** – proizvođač je odgovoran za odabir najprihvatljivijeg okolinskog rješenja prema karakteristikama proizvoda i tehnologiji proizvodnje, uključujući životni ciklus proizvoda i korištenje najadekvatnije raspoložive tehnologije,
- d) **princip zagađivač plaća** – proizvođač ili vlasnik otpada snosi troškove prevencije, tretmana i odlaganja otpada, uključujući brigu nakon upotrebe i monitoring. On je i finansijski odgovoran za preventivne i sanacione mjere zbog šteta po okoliš koje je prouzrokovao ili će ih najvjerojatnije prouzrokovati,
- e) **blizina** - tretman ili odlaganje treba se vršiti u najbližem adekvatnom postrojenju ili lokaciji, uzimajući u obzir okolinsku i ekonomsku profitabilnost,

- f) **regionalnost** - razvoj tretmana otpada i izgradnja objekata za njegovo odlaganje, treba se vršiti na način da pokriva potrebe regiona i omogućava samoodrživost izgrađenih objekata.
- g) **neopasni otpad** - je otpad koji nije definisan kao opasni otpad i koji nema neku od karakteristika opasnog otpada,

### Član 6.

#### (Definicija otpada)

U smislu ovog Zakona sljedeći izrazi znače:

- a) **otpada** - znači sve materije ili predmeti koje vlasnik odlaže, namjerava odložiti, ili se traži da budu odložene u skladu s jednom od kategorija otpada, navedenoj u listi otpada utvrđenoj u Pravilniku o kategorijama otpada sa listama („Sl. novine F BiH“, broj 9/05),
- b) **komunalni otpad** – je otpad iz domaćinstva, otpad koji nastaje čišćenjem javnih površina, otpad koji je po svojstvima i sastavu sličan otpadu iz domaćinstva, a koji nastaje u privredi, ustanovama i uslužnim djelatnostima, kao i krupni otpad koji podrazumijeva namještaj, kućanske aparate i drugu opremu i uređaje koji se koriste u domaćinstvu,
- c) **industrijski otpad** - je otpad koji nastaje u proizvodnim procesima u industriji, privredi i obrtu, a po sastavu i svojstvima se razlikuje od komunalnog otpada,
- d) **ambalažni otpad** - je ambalaža preostala nakon što se proizvod raspakuje, a obuhvata sve proizvode u obliku kutija, posuda, omota i drugih oblika, koji služe držanju drugog proizvoda u svrhu njegove zaštite, rukovanja, promidžbe i prodaje,
- e) **građevinski otpad** - je otpad koji nastaje u procesu građenja, održavanja i uklanjanja građevina prema posebnom zakonskom propisu o građenju,
- f) **opasni otpad** - je svaki otpad koji je utvrđen posebnim propisom i koji ima jednu ili više karakteristika koje prouzrokuju opasnost po zdravlje ljudi i okoliš po svom porijeklu, sastavu ili koncentraciji kao što su: eksplozivnost, reaktivnost, zapaljivost, nadraživost, štetnost, toksičnost, infektivnost, kancerogenost, mutagenost, teratogenost, ekotoksičnost, svojstvo oksidiranja, svojstvo nagrizanja i svojstvo otpuštanja otrovnih plinova kemijskom reakcijom ili biološkom razgradnjom, kao i onaj otpad koji je u listi otpada naveden kao opasni. U opasni otpad svrstavaju se i komunalni, industrijski, ambalažni i građevinski otpad ukoliko imaju neku od karakteristika opasnog otpada,
- h) **inertni otpad** – je otpad koji nije podložan značajnim fizičkim, hemijskim ili biološkim promjenama, koji se neće rastvarati, spaljivati ili na drugi način fizički ili hemijski obrađivati, biološki razgrađivati ili nepovoljno uticati na druge supstance s kojima dolazi u kontakt na način da prouzrokuje zagađenje okoliša ili ugrožavanje zdravlja ljudi i čija ukupna vlažnost, sadržaj polutanata u otpadu i ekotoksičnost filtrata mora biti neznatna da ne bi došlo do ugrožavanja kvaliteta površinskih i podzemnih voda,
- i) **posebni otpad** - je svaki otpad koji je utvrđen posebnim zakonskim propisom i koji ima jednu ili više štetnih karakteristika opasnih po zdravlje ljudi i okoliš, kako po svome porijeklu, tako i po sastavu i koncentraciji, kao i onaj otpad koji je u listi otpada naveden kao opasan, pa je regulisan posebnim zakonskim propisom,
- j) **nusproizvod** – su stvari ili objekti koji su posljedice proizvodnog procesa u sklopu kojeg proizvodnja tih stvari i objekata nije primarni proces i ne smatraju se otpadom, samo ako su ispunjeni sljedeći uslovi:
- 1) tvar odnosno objekt može se sigurno koristiti,
  - 2) tvar odnosno objekt može se koristiti direktno, bez ikakve daljnje prerade,
  - 3) tvar odnosno objekt proizvodi se kao sastavni dio proizvodnog procesa i
  - 4) daljnje korištenje je zakonito odnosno tvar ili objekt ispunjava sve relevantne proizvodne, okolinske i zdravstvene zahtjeve za predviđeni način korištenja, te ne dovodi do sveukupnih štetnih učinaka na okoliš i ljudsko zdravlje.
- k) **biorazgradivi otpad** - je svaki otpad koji je pogodan za aerobnu ili anaerobnu razgradnju, kao što su hrana, vrtni otpad, papir i karton,
- l) **centar za upravljanje otpadom** – je sistem građevina i postrojenja za tretman, povrat i/ili zbrinjavanje otpada,
- m) **deponija** - znači mjesto odlaganja otpada u svrhu konačnog odlaganja na površini ili ispod površine zemljišta, uključujući:
- 1) unutrašnja mjesta za odlaganje (npr. deponije gdje proizvođač otpada zbrinjava vlastiti otpad na mjestu nastanka) i

- 2) stalna mjesta (npr. više od jedne godine) koja se upotrebljavaju za dugogodišnje odlaganje otpada,
- ali isključujući:
- 1) objekte gdje nije dozvoljeno skladištenje otpada, a otpad je spreman za daljnji transport u cilju ponovnog korištenja, tretmana ili odlaganja na drugom mjestu,
  - 2) prethodno skladištenje otpada za ponovnu upotrebu ili tretman za period po pravilu manji od tri godine ili
  - 3) prethodno skladištenje otpada za odlaganje u periodu manjem od jedne godine.
- n) **kanalizacioni mulj** – je mulj nastao u uređajima za prečišćavanje otpadnih voda prilikom njihovog tretmana,
- o) **odlagač** – je bilo koje lice kojem se isporučuje otpad ili koje obavlja poslove odlaganja takvog otpada,
- p) **odlaganje** – znači bilo koju aktivnost utvrđenu u provedbenom propisu,
- q) **operator** - je fizičko ili pravno lice odgovorno za bilo koju vrstu aktivnosti upravljanja otpada,
- r) **ponovno korištenje** – znači svaku aktivnost kojom se otpad upotrebljava za namjenu za koju je prvobitno korišten,
- s) **postupanje s otpadom** - podrazumijeva skupljanje, prijevoz, privremeno skladištenje, selektiranje, obradu, ponovno korištenje, trajno odlaganje otpada, uvoz, izvoz i provoz otpada, zatvaranje i saniranje građevina namjenjenih odlaganju otpada i drugih otpadom onečišćenih površina, te nadzor nad aktivnostima upravljanja i postupanja sa otpadom,
- t) **povrat komponenti** – znači povrat materijala i energije iz iskorištenih proizvoda ili otpada u privredni sistem primjenom određenog tehnološkog postupka ili spaljivanjem,
- u) **proizvođač** - je bilo koje lice čijom aktivnošću se proizvodi otpad (originalni proizvođač) i/ili bilo koje lice koje obavlja predtretman, sortiranje ili druge operacije koje dovode do promjene fizičkih karakteristika ili sastava otpada,
- v) **reciklaža** – je ponovna upotreba otpada u proizvodnom procesu, uključujući i organsku reciklažu, ali ne i korištenje u energetske svrhe,
- w) **selektiranje** – je izdvajanje korisnih komponenti komunalnog otpada radi reciklaže,
- x) **sladištenje** – znači ostavljanje otpada od proizvođača unutar postrojenja i pogona, a najviše 3 godine, na način koji isključuje opasnost po ljudsko zdravlje i okoliš,
- y) **skupljanje** – znači sistematsko skupljanje i po mogućnosti sortiranje otpada u cilju olakšanja budućeg tretmana,
- z) **transport** – znači promet otpada van postrojenja,
- aa) **tretman** – znači fizičke, termalne, hemijske ili biološke procese, uključujući sortiranje, koji mijenjaju karakteristike otpada u cilju smanjivanja količine ili opasnih osobina, olakšavaju rukovanje ili povećavaju povrat komponenti otpada,
- bb) **tečni otpad** – je svaki otpad u tečnoj formi isključujući mulj,
- cc) **upravljanje otpadom** – znači sistem aktivnosti i radnji vezanih za otpad, uključujući prevenciju nastanka otpada, smanjivanje količine otpada, njegovih opasnih karakteristika, tretman otpada, planiranje, kontrolu aktivnosti i procesa upravljanja otpadom, transport otpada, uspostavljanje, rad, zatvaranje i održavanje uređaja za tretman otpada nakon zatvaranja, monitoring, savjetovanje i obrazovanje u vezi aktivnosti i radnjama na upravljanju otpadom,
- dd) **vlasnik** – je proizvođač otpada i fizičko ili pravno lice koje posjeduje otpad,
- ee) **zbrinjavanje otpada** – je svaki postupak tretmana ili odlaganja otpada u skladu sa odredbama tog Zakona.

#### Član 7.

##### (Kategorije otpada)

Ovisno o mjestu nastanka i svojstvima, u smislu ovog zakona, otpad se dijeli na sljedeće kategorije:

- a) otpad po mjestu nastanka,
- b) otpad po svojstvima,
- c) posebni otpad.

#### Član 8

##### (Otpad po mjestu nastanka)

U smislu ovog Zakona u kategoriju otpada po mjestu nastanka spadaju:

- a) komunalni otpad,
- b) industrijski otpad,
- c) ambalažni otpad,
- d) građevinski otpad.

#### Član 9.

##### (Otpad po svojstvima)

U smislu ovog Zakona u kategoriju otpada po svojstvima spadaju:

- a) opasni otpad,
- b) neopasni otpad,
- c) inertni otpad.

**Član 10.**  
**(Posebni otpad)**

U smislu ovog Zakona u kategoriju posebnog otpada spadaju:

- a) medicinski otpad (otpad iz zdravstvenih i veterinarskih ustanova),
- b) otpad životinjskog porijekla,
- c) stara ulja i drugi zauljeni otpad,
- d) ostaci mineralnih ulja iz rezervoara, pogonskih i transportnih uređaja,
- e) otpadne baterije i akumulatori,
- f) auto-otpad,
- g) stare auto gume,
- h) metalni otpad,
- i) električni i elektronički otpad,
- j) otpad iz hemijske, farmaceutske, drvoprerađivačke, staklarske i petrohemijske industrije,
- k) otpadni mulj iz uređaja za prečišćavanje otpadnih voda,
- l) ostale vrste posebnog otpada, utvrđene posebnim zakonskim propisom.

**III PLANIRANJE UPRAVLJANJA  
OTPADOM**

**Član 11.**  
**(Subjekti planiranja)**

Subjekti planiranja upravljanja otpadom na području Kantona su:

- a) Kanton,
- b) Općina,
- c) operator za upravljanje otpadom,
- d) proizvođač otpada.

**Član 12.**  
**(Planski dokumenti)**

Obavljanje i razvoj upravljanja otpadom na području Kantona i općina vrši se na osnovu sljedećih planskih dokumenata:

- a) plan upravljanja otpadom na području Kantona,
- b) plan upravljanja otpadom Općine,
- c) plan razvoja i obavljanja povjerenih aktivnosti upravljanja otpadom operatora za upravljanje otpadom,
- d) plan upravljanja otpadom proizvođača otpada.

**Član 13.**  
**(Plan upravljanja otpadom  
na području Kantona)**

(1) Plan upravljanja otpadom na području Kantona dugoročno određuje i usmjerava ciljeve upravljanja otpadom u skladu s ukupnim privrednim, društvenim i kulturnim razvojem na području Kantona i posebno sadrži:

- a) ocjenu postojećeg stanja u upravljanju i postupanju sa otpadom na području Kantona,
- b) vrstu, količinu i porijeklo otpada koji se proizvodi i koji se treba tretirati ili odložiti,
- c) ciljeve upravljanja otpadom,
- d) opće tehničke zahtjeve za upravljanje otpadom i uređaje unutar područja na kojima se nalaze,
- e) raspoloživ i podesan tretman i mjesta odlaganja i uređaja unutar određene teritorije,
- f) odnosi između Kantona i Općina u upravljanju otpadom i stvaranju uslova za organizovano obavljanje pojedinih aktivnosti upravljanja otpadom,
- g) ugovore za tretman ili odlaganje otpada za općine Kantona,
- h) ugovore za pojedine vrste otpada, kao što su opasni otpad, tečni otpad, abrazivni otpad i dr,
- i) strateške ciljeve sa razrađenim prioritetima u upravljanju otpadom i pojedinim aktivnostima koje se trebaju preduzeti,
- j) organizacija cjelovitog sistema upravljanja otpadom na području Kantona,
- k) mjere izbjegavanja i spriječavanja nastajanja otpada,
- l) mjere upravljanja otpadom prema najboljoj dostupnoj tehnologiji koja ne zahtijeva previsoke troškove,
- m) mjere odvojenog sakupljanja i ponovnog korištenja otpada,
- n) plan gradnje građevina namijenjenih skladištenju, obradi i/ili odlaganju otpada,
- o) mjere sanacije otpadom onečišćenog okoliša i divljih odlagališta,
- p) mjere nadzora i praćenja upravljanja otpadom,
- q) edukacija i komunikacija s javnošću,
- r) izvori i iznosi finansijskih sredstava za provođenje pojedinih mjera i aktivnosti iz Plana,
- s) rokovi za izvršenje pojedinih mjera iz Plana,
- t) odgovornost za izvršavanje pojedinih mjera iz Plana.

(2) Plan upravljanja otpadom na području Kantona priprema Ministarstvo za građenje,

prostorno uređenje i zaštitu okoline Kantona (u daljem tekstu: Ministarstvo) u saradnji s općinskim organima, operatorima za upravljanje otpadom, ekonomskim udruženjima i udruženjima za zaštitu okoliša.

(3) Plan upravljanja otpadom na području Kantona donosi Skupština Kantona na prijedlog Vlade Kantona.

(4) Plan upravljanja otpadom na području Kantona donosi se na period od pet godina.

(5) Plan upravljanja otpadom na području Kantona mora biti usaglašen sa Strategijom upravljanja otpadom Federacije BIH i Federalnim planom upravljanja otpadom.

(6) Nadzor nad provedbom Plana upravljanja otpadom na području Kantona vrši Ministarstvo, koje je dužno jednom godišnje, do 30. juna tekuće godine za prethodnu godinu, podnositi Vladi Kantona izvještaj o izvršenju utvrđenih obaveza i učinkovitosti poduzetih mjera iz Plana upravljanja otpadom Kantona.

#### Član 14.

##### (Općinski plan upravljanja otpadom)

(1) Općinski plan upravljanja otpadom određuje mjere postupanja s otpadom na području općine i posebno sadrži:

- a) ocjenu postojećeg stanja u upravljanju i postupanju sa otpadom na području općine,
- b) obaveze Općine koje proizilaze iz Plana upravljanja otpadom na području Kantona,
- c) vrstu, količinu i porijeklo otpada koji se proizvodi i koji se mora tretirati ili odložiti,
- d) opće tehničke zahtjeve za postupanje sa otpadom na području općine,
- e) ciljeve upravljanja otpadom,
- f) programe o skupljanju opasnog otpada iz domaćinstva,
- g) programe korištenja komponenti iz komunalnog otpada,
- h) programe za smanjenje procenta biorazgradivog otpada i ambalažnog otpada u komunalnom otpadu,
- i) programe za podizanje javne svijesti u upravljanju otpadom,
- j) lociranje prostora i objekata za obavljanje određenih aktivnosti postupanja s otpadom,
- k) saradnja između Općina u postizanju zadanih ciljeva,
- l) odnosi između Kantona i Općine u zajedničkom upravljanju otpadom i stvaranju uslova za

organizovano obavljanje pojedinih aktivnosti upravljanja i postupanja s otpadom,

- m) plan uređenja lokacija za skupljanje komunalnog otpada,
- n) mjere sanacije otpadom onečišćenog okoliša i divljih odlagališta na području općine,
- o) mjere nadzora i praćenja upravljanja i postupanja s otpadom,
- p) izvori i iznosi finansijskih sredstava za provođenje pojedinih mjera i aktivnosti iz Plana,
- q) rokovi za izvršenje pojedinih mjera i aktivnosti iz Plana,
- r) odgovornost za izvršavanje pojedinih mjera iz Plana.

(2) Općinski plan upravljanja otpadom priprema općinski organ uprave nadležan za poslove upravljanja otpadom u suradnji sa drugim općinskim organima uprave, Ministarstvom, operatorima za upravljanje otpadom, drugim zainteresiranim subjektima i udruženjima za okoliš.

(3) Općinski plan upravljanja otpadom donosi Općinsko vijeće na prijedlog Općinskog načelnika.

(4) Općinski plan upravljanja otpadom donosi se na period od pet godina i identičan je s rokovima donošenja i važenja Plana upravljanja otpadom na području Kantona.

(5) Općinski plan upravljanja otpadom mora biti usaglašen sa Planom upravljanja otpadom na području Kantona.

(6) Nadzor nad provedbom Općinskog plana upravljanja otpadom vrši Općinski načelnik, putem općinskog organa uprave nadležnog za poslove upravljanja otpadom, i dužan je da jednom godišnje, do 30. juna tekuće godine za prethodnu godinu, podnese Općinskom vijeću izvještaj o izvršenju utvrđenih obaveza i učinkovitosti poduzetih mjera iz Općinskog plana upravljanja otpadom.

(7) Općinski plan upravljanja otpadom i izvještaj o izvršenju Plana dostavlja se Ministarstvu.

#### Član 15.

##### (Plan upravljanja otpadom operatora za upravljanje otpadom)

(1) Operator za upravljanje otpadom, kojem je Općina povjerila obavljanje jedne ili više aktivnosti upravljanja otpadom, dužan je u okviru godišnjeg plana poslovanja donijeti i plan razvoja

i obavljanja povjerenih aktivnosti upravljanja otpadom.

(2) Plan razvoja i obavljanja povjerenih aktivnosti upravljanja otpadom iz prethodnog stava, mora biti usaglašen s Općinskim planom upravljanja otpadom.

(3) Općina daje saglasnost na dijelove plana poslovanja iz stava (1) ovog člana, koji se odnosi na obavljanje povjerenih aktivnosti upravljanja otpadom.

#### **Član 16.**

##### **(Sadržaj plana upravljanja otpadom operatora postrojenja)**

(1) Operator postrojenja, za koja je prema Zakonu o zaštiti okoliša potrebna okolinska dozvola, izrađuje Plan o upravljanju otpadom koji sadrži:

- a) dokumentaciju o otpadu koji proizvodi preduzeće (porijeklo, vrste otpada u skladu s listom otpada, sastav, količina),
- b) mjere koje se trebaju preduzeti radi sprečavanja proizvodnje otpada, posebno kada se radi o opasnom otpadu,
- c) odvajanje otpada, posebno opasnog otpada od druge vrste otpada i otpada koji će se ponovno koristiti,
- d) odlaganje otpada na deponiji,
- e) metode tretmana i/ili odlaganja.

(2) Kod postojećih i novih postrojenja, Plan o upravljanju otpadom se prilaže kao dodatak za dobijanje okolinske dozvole u skladu s odredbama Zakona o zaštiti okoliša.

(3) Plan o upravljanju otpadom iz stava (1) ovog člana operator postrojenja ažurira svakih pet godina ili nakon promjene u radu postrojenja.

(4) Plan o upravljanju otpadom iz stava (1) ovog člana dostavlja se Ministarstvu.

#### **Član 17.**

##### **(Odgovorno lice za poslove upravljanja otpadom)**

(1) Operator postrojenja za koja je potrebna okolinska dozvola kao proizvođač mora odrediti lice odgovorno za poslove upravljanja otpadom.

(2) Operator postrojenja dužan je obavijestiti Ministarstvo o imenovanju odgovornog lica iz stava (1) ovog člana.

(3) Odgovorno lice iz stava (1) ovog člana dužno je da:

- a) izradi i ažurira Plan o upravljanju otpadom iz člana 16. ovog Zakona,
- b) provede Plan o upravljanju otpadom,

c) predloži mjere za poboljšanje prevencije, ponovnog korištenja i reciklaže otpada,

d) nadzire ispunjenje utvrđenih uslova za upravljanje otpadom i o tome izvještava operatora postrojenja.

(4) Odgovornost lica iz stava (1) ovog člana, ne oslobađa operatora postrojenja od finansijske i pravne odgovornosti za poštivanje zahtjeva za upravljanje otpadom.

#### **Član 18.**

##### **(Planovi proizvođača otpada)**

(1) Proizvođači otpada koji u jednoj kalendarskoj godini proizvedu više od 100 tona neopasnog otpada, ili više od 150 kilograma opasnog otpada, dužni su izraditi plan postupanja sa otpadom.

(2) Plan postupanja sa otpadom iz stava (1) ovog člana sadrži naročito podatke o:

- a) vrstama, količinama i mjestu nastanka otpada,
- b) mjerama za sprečavanje ili smanjivanje nastajanja otpada i njegovu štetnost,
- c) načinu postupanja s nastalim otpadom,
- d) otpadu kojeg proizvođač otpada sam privremeno skladišti, obrađuje, zbrinjava ili ga predaje operatorima za upravljanje otpadom,
- e) svojim građevinama za skladištenje, obradu i odlaganje otpada.

3. Plan postupanja s otpadom iz stava (1) ovog člana donosi se na period od dvije godine.

4. Plan postupanja s otpadom iz stava (1) ovog člana, mora biti usaglašen s Planom upravljanja otpadom na području Kantona i Općinskim planom upravljanja otpadom.

5. Plan postupanja sa otpadom iz stava (1) ovog člana dostavlja se Ministarstvu i općinskom organu uprave nadležnom za poslove upravljanja otpadom.

## **IV DOZVOLA ZA UPRAVLJANJE OTPADOM**

#### **Član 19.**

##### **(Nadležni organi za poslove upravljanja otpadom)**

(1) Poslove upravljanja otpadom iz nadležnosti Kantona vrši Ministarstvo.

(2) Poslove upravljanja otpadom iz nadležnosti Općine vrši općinski organ uprave nadležan za poslove upravljanja otpadom.

**Član 20.****(Dozvola za upravljanje otpadom)**

(1) Za obavljanje aktivnosti upravljanja otpadom i njegovog odlaganja potrebno je pribaviti dozvolu za upravljanje otpadom, osim ako ovim Zakonom nije drugačije određeno.

(2) Dozvola iz stava (1) ovog člana, ne isključuje pribavljanje lokacijske informacije odnosno urbanističke saglasnosti, odobrenja za građenje, upotrebne dozvole i drugih dozvola utvrđenih posebnim propisima.

(3) Dozvola iz stava (1) ovog člana nije potrebna u sljedećim slučajevima:

- a) prikupljanje i prevoz otpada unutar lokacije proizvođača otpada,
- b) prevoz otpada između različitih postrojenja ili lokacija istog proizvođača izuzev opasnog otpada,
- c) prevoz otpada koji vrši sam proizvođač otpada sa svojim vlastitim prevoznim sredstvima do lokacije ili postrojenja za tretman otpada, u slučaju malih količina ne većih od 100 kg po jednom prevozu, izuzev opasnog otpada,
- d) vraćanje ambalaže ili korištenih proizvoda od proizvođača proizvoda.

(4) Za prikupljanje i prevoz otpada građana koji je ograničen samo na vlastiti otpad proizveden u domaćinstvima, nije potrebna dozvola iz stava (1) ovog člana ukoliko nije drugačije određeno posebnim propisom.

(5) Izdavanje dozvole za aktivnosti male privrede u upravljanju otpadom, uređeno je odredbama Pravilnika o izdavanju dozvole za aktivnosti male privrede u upravljanju otpadom („Sl. novine F BiH“ br. 9/05).

**Član 21.****(Zahtjev za dobijanje dozvole)**

(1) Zahtjev za dobijanje dozvole za obavljanje određenih aktivnosti upravljanja otpadom i njegovog odlaganja podnosi se Ministarstvu.

(2) Zahtjev za dobijanje dozvole iz stava (1) ovog člana mora sadržavati sljedeće:

- a) podatke o podnosiocu zahtjeva i operatoru kada se radi o različitim licima,
- b) opis vrste i ukupne količine otpada – ulazak i izlazak,
- c) opis očekivanih uticaja na okoliš,
- d) predloženi ili stvarni kapacitet postrojenja ili lokacije,

e) opis postrojenja ili lokacije, uključujući karakteristike okoliša,

f) predloženi ili postojeći tretman,

g) predložene ili postojeće metode za sprečavanje i smanjenje zagađivanja,

h) predložene ili postojeće aktivnosti, praćenje i plan kontrole,

i) predloženi plan za aktivnosti zatvaranja i postupke nakon zatvaranja,

j) finansijske i druge garancije od strane podnosioca zahtjeva.

(3) Dozvola iz člana 20. stav (1) ovog Zakona neće se izdati ako:

a) projekat nije u skladu sa pravnim, okolinskim i zdravstvenim zahtjevima,

b) podnosilac zahtjeva, odnosno operator nema tehničkih eksperata za upravljanje postrojenjima ili lokacijama,

c) nije osiguran tehnički i profesionalni razvoj i obuka osoblja,

d) nisu poduzete neophodne mjere sprečavanja nesreća i ograničenja njihovih posljedica,

e) nije osigurana odgovarajuća finansijska ili druga garancija,

f) projekt nije u skladu sa Kantonalnim i Općinskim planom upravljanja otpadom.

**Član 22.****(Sadržaj dozvole za upravljanje otpadom)**

(1) Dozvola iz člana 20. stav (1) ovog Zakona sadrži:

a) vrstu i količinu otpada koji se treba tretirati i/ili odložiti,

b) opće tehničke zahtjeve za rad, monitoring i sisteme praćenja,

c) metode tretmana,

d) mjere predostrožnosti koje se trebaju preduzeti,

e) podatke o porijeklu, odredištu i tretmanu otpada, te vrste i količine takvog otpada,

f) period na koji se dozvola daje.

(2) Dozvola se izdaje na period od pet godina i može se produžiti za isti vremenski period ukoliko se ne promijene uslovi pod kojima je dozvola izdata.

**Član 23.****(Postupanje po žalbi na izdate dozvole za upravljanje otpadom)**

Protiv rješenja Ministarstva donesenog u postupku izdavanja dozvole za upravljanje otpadom ne može se izjaviti žalba, ali se može pokrenuti upravni spor tužbom kod Kantonalnog

suda u Bihaću u roku od 30 dana od dana prijema rješenja.

#### **Član 24.**

##### **(Financijske garancije)**

(1) Finansijske i druge garancije za pokrivanje rizika od mogućih šteta, sanacije i postupaka nakon zatvaranja deponije operatori za upravljanje otpadom koji dobiju dozvolu za upravljanje otpadom uplaćuju u Kantonalni fond za zaštitu okoliša, osnovanom u skladu sa odredbama člana 101. Zakona o zaštiti okoliša („Sl. novine FBiH“, broj 33/03 i 38/09).

(2) Finansijska garancija mora biti srazmjerna količini otpada, očekivanim troškovima i pojavi rizika.

(3) Finansijska garancija ili dio garancije za rad deponije važi sve dok je potrebna, a najmanje 30 godina nakon zatvaranja deponije.

(4) Način utvrđivanja osnovice i visine finansijske garancije regulisat će svojim propisom Ministarstvo.

### **V OBAVLJANJE DJELATNOSTI I AKTIVNOSTI UPRAVLJANJA OTPADOM**

#### **Član 25.**

##### **(Osiguranje provođenja mjera postupanja s otpadom)**

(1) Kanton i Općina osiguravaju provođenje mjera postupanja s otpadom na području Kantona.

(2) Kanton osigurava provođenje mjera postupanja sa industrijskim otpadom, ambalažnim otpadom, građevinskim otpadom, opasnim otpadom i posebnim otpadom.

(3) Općina osigurava provođenje mjera postupanja sa komunalnim otpadom, neopasnim otpadom, inertnim otpadom i krupnim otpadom.

(4) Općina se može dogovoriti da pojedine aktivnosti postupanja otpadom iz stava (3) ovog člana osiguravaju i organizuju na međuopćinskom, odnosno kantonalnom nivou, zaključivanjem sporazuma o zajedničkom upravljanju otpadom na području Kantona.

#### **Član 26.**

##### **(Aktivnosti u postupanju sa komunalnim otpadom)**

Aktivnosti u postupanju sa komunalnim otpadom su:

a) odlaganje komunalnog i njemu sličnog otpada od strane korisnika usluga, skupljanja i odvoza komunalnog otpada u posude i kontejnere

smještene na prostorima za skupljanje miješanog komunalnog otpada i prostorima za skupljanje izdvojenog komunalnog otpada (reciklažni otoci),

b) skupljanje i transport miješanog komunalnog otpada vozilima za skupljanje otpada od prostora za skupljanje miješanog komunalnog otpada do najbliže pretovarne stanice, odnosno do međuopćinske-regionalne deponije otpada, ukoliko je ona bliža mjestu skupljanja otpada od najbliže pretovarne stanice,

c) skupljanje i transport izdvojenog komunalnog otpada vozilima za skupljanje izdvojenog komunalnog otpada, od prostora za skupljanje izdvojenog komunalnog otpada (reciklažni otoci) do reciklažnog dvorišta,

d) transport otpada specijalnim vozilima za daljinski transport otpada, od pretovarnih stanica do međuopćinske – regionalne deponije radi obrade i konačnog odlaganja,

e) razvrstavanje i privremeno skladištenje izdvojenog komunalnog otpada na reciklažnom dvorištu,

f) predaja izdvojenog komunalnog otpada, privremeno skladištenog na reciklažnom dvorištu, ovlaštenim skupljačima ili obrađivačima na daljnju obradu, odnosno ponovno korištenje,

g) obrada i konačno odlaganje otpada na međuopćinskoj – regionalnoj deponiji otpada.

#### **Član 27.**

##### **(Upravljanje komunalnim otpadom)**

(1) Komunalni otpad se skuplja, prevozi, obrađuje i odlaže u skladu sa Federalnim Zakonom o upravljanju otpadom, kantonalnim Zakonom o komunalnim djelatnostima, ovim Zakonom i propisima donesenim na osnovu tih Zakona.

(2) Proizvođači komunalnog i njemu sličnog otpada, domaćinstva i pravna lica, obavezni su da vrše izdvajanje korisnih komponenti komunalnog otpada radi reciklaže.

(3) Način skupljanja, transporta, obrade i ponovnog korištenja izdvojenih korisnih komponenti komunalnog otpada reguliše pravilnikom Ministarstvo.

(4) Uslove za skupljanje izdvojenih korisnih komponenti komunalnog otpada obezbjeđuje Općina, odnosno operator kojem je Općina povjerila obavljanje te aktivnosti upravljanja otpadom.

(5) Odlukom Općine, na osnovu kantonalnog Zakona o komunalnim djelatnostima, urediće se

način postupanja sa komunalnim i njemu sličnim otpadom, a naročito:

- a) područja općine koja pokriva operator upravljanja komunalnim otpadom,
- b) osnovni uslovi za osiguranje rada operatora, uključujući i metode skupljanja otpada,
- c) obavezu i način skupljanja izdvojenih korisnih komponenti komunalnog otpada,
- d) učestalost skupljanja, prava i obaveze proizvođača komunalnog otpada,
- e) način korištenja usluga operatora upravljanja komunalnim otpadom za proizvođače otpada koji nisu domaćinstva,
- f) tehnički i drugi uslovi i zahtjevi koji se odnose na rad operatora za skupljanje, transport, obradu i odlaganje komunalnog otpada,
- g) određivanje lokacije za postrojenja, objekte i druge prostore na kojima se obavljaju aktivnosti postupanja s komunalnim otpadom,
- h) način utvrđivanja visine naknade za pružanje usluga postupanja s komunalnim otpadom, koji osigurava pouzdan, kontinuiran i prihvatljiv način rada operatora za upravljanje komunalnim otpadom, na principu samoodrživosti, te adekvatne uslove plaćanja naknade,
- i) uslovi za pronalaženje i tretiranje nezakonito odloženog komunalnog otpada,
- j) preventivne mjere i mjere kontrole odlaganja otpada,
- k) vrste kaznenih odredbi i stimulativnih mjera u postupanju s komunalnim otpadom.

(6) Odlukom iz stava (5) ovog člana propisat će se i način iznošenja, skupljanja, prevoza i odlaganja krupnog otpada koji nije moguće odložiti u kontejnere za skupljanje komunalnog otpada.

(7) Komunalni i njemu slični otpad odlaže se u skladu s općinskim planom upravljanja otpadom i odlukom Općine iz stava (5) ovog člana.

(8) Opasan otpad skupljen u domaćinstvu odlaže se u skladu sa općinskim planom upravljanja otpadom, odnosno članom 14 stav (1) tačka f) ovog Zakona.

#### **Član 28.**

##### **(Nosioći aktivnosti u postupanju sa komunalnim otpadom)**

(1) Aktivnosti u postupanju sa komunalnim otpadom iz člana 26. stav (1) tačke a) ovog Zakona obavljaju korisnici komunalnih usluga skupljanja i odvoza komunalnog otpada u skladu

s odredbama Kantonalnog Zakona o komunalnim djelatnostima i općinske odluke iz člana 27. stav (5) ovog Zakona.

(2) Aktivnosti u postupanju s komunalnim otpadom iz člana 26. stav (1) tačka b) do g) ovog Zakona, obavljaju operatori za upravljanje otpadom, pravna ili fizička lica, kojima je Općina povjerila obavljanje jedne ili više aktivnosti u postupanju s komunalnim otpadom, u skladu s odredbama Federalnog Zakona o upravljanju otpadom, ovog Zakona, Kantonalnog Zakona o komunalnim djelatnostima i općinskih propisa iz oblasti upravljanja otpadom i komunalnih djelatnosti donesenih na osnovu navedenih zakonskih propisa.

#### **Član 29.**

##### **(Obavljanje aktivnosti u postupanju s komunalnim otpadom na međuopćinskom-kantonalnom nivou)**

(1) Aktivnost u postupanju s komunalnim otpadom iz člana 26. stav (1) tačka g) ovog Zakona, obrada i konačno odlaganje otpada na međuopćinskoj – regionalnoj deponiji otpada, organizuje se na međuopćinskom nivou i obavezna je za sve Općine Kantona.

(2) Općine mogu odlučiti da se i druge aktivnosti u postupanju s komunalnim otpadom iz člana 28. stav (2) ovog Zakona, organizuju i obavljaju na međuopćinskom nivou.

(3) U slučajevima iz stava (1) i (2) ovog člana Općine i Kanton zaključuju Sporazum o zajedničkom upravljanju i postupanju s komunalnim otpadom na području Kantona, kojim se uređuju i definišu međusobni odnosi, prava i obaveze, oblici i načini saradnje između Općina i Kantona u zajedničkom upravljanju i postupanju s komunalnim otpadom na području Kantona.

#### **Član 30.**

##### **(Postupanje sa otpadom od strane Kantona)**

(1) Aktivnosti u postupanju s otpadom iz člana 25. stav (2) i člana 29. ovog Zakona obavljaju operatori za upravljanje otpadom, pravna ili fizička lica, kojima Kanton povjeri obavljanje tih aktivnosti.

(2) Postupak za dodjelu obavljanja aktivnosti iz stava (1) ovog člana vrši se u skladu sa Zakonom o javnim nabavkama BiH.

(3) Način obavljanja aktivnosti u postupanju s otpadom iz člana 25. stava (2) ovog Zakona,

za svaku vrstu otpada, pravilnikom propisuje Ministarstvo.

### **Član 31.**

#### **(Troškovi postupanja s otpadom)**

(1) Troškovi postupanja s otpadom obračunavaju se prema količini i karakteristikama otpada, te prema kvadraturi prostora koji zagađivač koristi, u skladu s načelom „zagađivač“ plaća.

(2) Općina svojim aktom, u skladu sa odredbama kantonalnog Zakona o komunalnim djelatnostima, utvrđuje jedinicu mjere i propisuje način formiranja cijena aktivnosti u postupanju s komunalnim otpadom.

(3) Vlada Kantona svojim aktom utvrđuje jedinicu mjere i propisuje način formiranja cijena aktivnosti u postupanju sa otpadom iz člana 25. stav (2) ovog Zakona.

### **Član 32.**

#### **(Prostori i objekti na kojima se obavljaju aktivnosti postupanja s komunalnim otpadom)**

(1) Aktivnosti postupanja s komunalnim otpadom mogu se obavljati samo na prostorima i objektima izgrađenim za te namjene.

(2) U prostore i objekte na kojima se obavljaju pojedine aktivnosti postupanja s komunalnim otpadom spadaju:

- a) prostori za skupljanje miješanog komunalnog otpada,
- b) prostori za skupljanje izdvojenog komunalnog otpada (reciklažni otoci),
- c) pretovarne stanice,
- d) objekti za privremeno skladištenje otpada,
- e) objekti za obradu otpada,
- f) reciklažna dvorišta,
- g) deponije za konačno odlaganje otpada.

(3) Lokacije za izgradnju prostora i objekata namijenjenih za pojedine aktivnosti postupanja s komunalnim otpadom, utvrđuju se u odgovarajućim planskim dokumentima.

(4) Izgradnju i opremanje prostora i objekata za aktivnosti postupanja sa komunalnim otpadom obezbjeđuju Kanton, Općina i operator za upravljanje komunalnim otpadom, svako u okviru svoje nadležnosti.

### **Član 33.**

#### **(Otpadom onečišćene površine i divlja odlagališta otpada)**

(1) Općinski organ uprave nadležan za poslove upravljanja otpadom, dužan je izraditi popis

otpadom onečišćenih površina i divljih odlagališta otpada na području općine.

(2) Na osnovu popisa iz stava (1) ovog člana, Općinsko vijeće je dužno donijeti plan sanacije onečišćenih površina i divljih odlagališta na području općine.

(3) Sredstva za realizaciju plana sanacije iz stava (2) ovog člana obezbjeđuju se u budžetu Općine.

### **Član 34.**

#### **(Opasni otpad)**

(1) Opasni otpad se mora odvojeno skupljati.

(2) Opasni otpad se ne smije prevoziti sa drugim vrstama otpada.

(3) Operator za skupljanje i prevoz opasnog otpada, dužan je dostaviti opasni otpad obrađivaču otpada, u stanju u kakvom ga je primio od proizvođača ili vlasnika opasnog otpada.

(4) Pravno i fizičko lice koje se bavi aktivnostima privremenog skladištenja opasnog otpada može isti skladištiti najduže 12 mjeseci, na strogo kontroliranim i u skladu s propisom opremljenim prostorima.

(5) Na prevoz opasnog otpada primjenjuju se propisi koji se odnose na prevoz opasnih materijala.

### **Član 35.**

#### **(Neopasni otpad)**

(1) Neopasni otpad čija se vrijedna svojstva mogu iskoristiti mora se odvojeno skupljati i skladištiti.

(2) Otpad iz stava (1) ovog člana izuzetno se može tretirati, odnosno odložiti s ostalim otpadom, ako je to ekonomski opravdano i nije štetno za okoliš, uz saglasnost Ministarstva.

### **Član 36.**

#### **(Ostale vrste otpada)**

(1) Industrijski, ambalažni, građevinski, električni i elektronički otpad, otpadna vozila i otpadne gume moraju se posebno skupljati, označavati i u najvećoj mjeri reciklirati.

(2) Proizvođači i vlasnici otpada i operatori za upravljanje otpadom iz stava (1) ovog člana dužni su da u obavljanju aktivnosti sakupljanja, skladištenja, prevoza, recikliranja, obrađivanja i odlaganja otpada iz stava (1) ovog člana postupaju u skladu s provedbenim propisima donesenim na osnovu odredaba člana 58. stav (8) i (9) Zakona o upravljanju otpadom („Službene novine F BiH“, br. 33/03 i 72/09).

**Član 37.****(Obaveze proizvođača i vlasnika opasnog i ostalih vrsta otpada)**

(1) Proizvođač i vlasnik opasnog otpada, industrijskog otpada, ambalažnog otpada, građevinskog otpada, električnog i elektroničkog otpada, otpadnih vozila i otpadnih guma dužan je operatoru za skupljanje, prevoz i/ili obradu otpada predati prateći list s podacima o vrsti, mjestu nastanka, količini, načinu pakiranja i predaje otpada.

(2) Proizvođač i vlasnik otpada iz stava (1) ovog člana odgovoran je za tačnost podataka navedenih u pratećem listu.

(3) Operator za skupljanje, prevoz i obradu otpada, ne smije preuzeti otpad iz stava (1) ovog člana bez uredno popunjenog i ovjerenog pratećeg lista.

(4) Operator za skupljanje, prevoz i obradu otpada, dužan je provjeriti da li podaci u pratećem listu odgovaraju vrsti i količini otpada iz stava (1) ovog člana koji se preuzima.

(5) Po jedan primjerak pratećeg lista iz stava (1) ovog člana zadržavaju operator, proizvođač i vlasnik otpada, a jedan se dostavlja Ministarstvu.

**Član 38.****(Izvještaj o svojstvima opasnog otpada)**

(1) Proizvođač opasnog otpada dužan je uz prateći list predati operatoru za skupljanje, prevoz i/ili obradu opasnog otpada i izvještaj o ispitivanju fizikalnih i hemijskih svojstava otpada u slučajevima:

- a) ako je sastav opasnog otpada nepoznat,
- b) ako je količina opasnog otpada veća od jedne tone.

(2) Ako je količina opasnog otpada poznatog sastava manja od 1 tone, proizvođač opasnog otpada poznatog sastava dužan je uz prateći list, predati operatoru za skupljanje, prevoz i/ili obradu opasnog otpada ovjerenu izjavu o fizikalnim i hemijskim svojstvima otpada.

(3) Operator za skupljanje i/ili prevoz opasnog otpada dužan je, uz prateći list predati operatoru za obradu opasnog otpada izvještaj o ispitivanju fizikalnih i hemijskih svojstava otpada, odnosno izjavu o fizikalnim i hemijskim svojstvima otpada, iz stava (1) i (2) ovog člana.

**Član 39.****(Ispitivanje svojstava otpada)**

Ispitivanje fizikalnih i hemijskih svojstava otpada, mogu vršiti laboratoriji koji su za to stručno i tehnički osposobljeni i posjeduju odobrenje u skladu s posebnim propisom.

**Član 40.****(Evidencija o otpadu)**

(1) Proizvođač i vlasnik otpada dužan je voditi evidenciju o količinama i vrsti otpada u skladu s katalogom otpada utvrđenim odredbama Pravilnika o kategorijama otpada sa listama („Sl. novine Federacije BiH“, broj: 9/05).

(2) Proizvođač i vlasnik otpada koji vrši obradu i odlaganje otpada, pored podataka iz stava (1) ovog člana, vodi i evidenciju o načinu upravljanja i postupanja s otpadom, porijeklu i mjestu ili lokaciji odlaganja otpada.

(3) Evidenciju o komunalnom otpadu vodi operator kojem je Općina povjerila obavljanje djelatnosti skupljanja, prevoza i odlaganja komunalnog otpada.

(4) Fizičko ili pravno lice koje koristi otpad radi ponovne upotrebe i reciklaže, nije dužno da vodi evidenciju o otpadu iz stava (1) ovog člana.

(5) Evidencija iz stava (1) ovog člana vodi se u formi:

- a) djelovodnika otpada, koji sadrži podatke za svaku vrstu otpada odvojeno,
- b) obrasca o transportu otpada.

(6) Ministarstvo svojim propisom utvrđuje oblik, sadržaj i način popunjavanja evidencije iz stava (5) ovog člana.

(7) Podatke iz evidencije o otpadu lica iz stava (1), (2) i (3) ovog člana, dostavljaju općinskom organu uprave nadležnom za poslove upravljanja otpadom, dvaput godišnje i to do 15. jula za prvu polovinu tekuće godine i do 15. januara za prethodnu godinu.

**Član 41.****(Registar podataka o otpadu)**

(1) Općinski organ uprave nadležan za poslove upravljanja otpadom, vodi registar podataka o proizvodnji otpada, upravljanju i postupanju s otpadom, te priprema zbirni izvještaj koji dostavlja Ministarstvu do 31. januara tekuće godine za proteklu godinu.

(2) Sadržaj i način vođenja registra i sadržaj i formu izvještaja iz stava (1) ovog člana propisuje svojim aktom Ministarstvo.

(3) Ministarstvo vodi zbirni registar podataka o proizvodnji otpada, upravljanju i postupanju sa otpadom i izdatim dozvolama za upravljanje otpadom za cijeli Kanton.

(4) Registar iz stava (3) ovog člana je dio informacionog sistema zaštite okoliša.

(5) Uvid u podatke registara iz stava (1) i (3) ovog člana je slobodan.

#### **Član 42.**

##### **(Odgovornost u upravljanju otpadom i aktivnostima)**

Na obavljanje pojedinih aktivnosti u upravljanju i postupanju s otpadom od strane proizvođača ili vlasnika otpada i operatora pojedinih vrsta i aktivnosti otpada, primjenjuju se uslovi i zahtjevi o odgovornosti u upravljanju otpadom i aktivnostima utvrđeni odredbama člana 15. do člana 37. Zakona o upravljanju otpadom Federacije BiH.

## **VI FINANSIRANJE DJELATNOSTI UPRAVLJANJA OTPADOM**

#### **Član 43.**

##### **(Sredstva za finansiranje djelatnosti upravljanja otpadom)**

Sredstva za finansiranje obavljanja djelatnosti upravljanja otpadom obezbjeđuju se iz:

- a) Budžeta Općina,
- b) Budžeta Kantona,
- c) kantonalnog fonda za zaštitu okoliša,
- d) sredstava osiguranih posebnim zakonima,
- e) kreditnih sredstava,
- f) sredstava međunarodne pomoći,
- g) donacija,
- h) cijena za usluge operatora za upravljenje otpadom,
- i) ostalih sredstava u skladu sa Zakonom.

#### **Član 44.**

##### **(Sredstva za finansiranje izgradnje objekata za zbrinjavanje komunalnog otpada)**

Sredstva za izgradnju objekata za zbrinjavanje komunalnog otpada obezbjeđuju se iz:

- a) Budžeta Općina,
- b) Budžeta Kantona,
- c) Kantonalnog fonda za zaštitu okoliša,
- d) kreditnih sredstava,
- e) sredstava međunarodne pomoći,
- f) donacija,
- g) ostalih sredstava u skladu sa Zakonom.

#### **Član 45.**

##### **(Sredstva za finansiranje izgradnje objekata za zbrinjavanje industrijskog, ambalažnog, građevinskog i opasnog posebnog otpada)**

Sredstva za finansiranje izgradnje objekata za zbrinjavanje industrijskog, ambalažnog, građevinskog i opasnog posebnog otpada obezbjeđuju se iz:

- a) Budžeta Kantona,
- b) Budžeta Općina,
- c) sredstava proizvođača i vlasnika otpada,
- d) kantonalnog fonda za zaštitu okoliša,
- e) kreditnih sredstava,
- f) donacija,
- g) ostalih sredstava u skladu sa Zakonom,

#### **Član 46.**

##### **(Sredstva za finansiranje obavljanja aktivnosti u postupanju s otpadom)**

Sredstva za finansiranje obavljanja aktivnosti u postupanju sa svim vrstama otpada, obezbjeđuju operatori aktivnosti u postupanju s otpadom iz cijena usluga u postupanju s otpadom koju plaćaju korisnici tih usluga, odnosno zagađivači u skladu sa Federalnim Zakonom o upravljanju otpadom, ovim Zakonom, kantonalnim Zakonom o komunalnim djelatnostima i propisima i aktima donesenih na osnovu tih Zakona.

## **VII- NADZOR**

#### **Član 47.**

##### **(Upravni nadzor)**

Upravni nadzor nad provođenjem ovog Zakona vrši Ministarstvo.

#### **Član 48.**

##### **(Inspeksijski nadzor)**

(1) Inspeksijski nadzor nad provođenjem ovog Zakona, drugih propisa i općih akata iz oblasti upravljanja otpadom vrše kantonalna i općinska inspekcija, svaka u okviru svoje nadležnosti.

(2) Inspeksijski nadzor nad vršenjem poslova koji su u nadležnosti Kantona vrši kantonalna inspekcija za zaštitu okoliša organizovana unutar Kantonalne uprave za inspeksijske poslove.

(3) Inspeksijski nadzor nad vršenjem poslova u postupanju sa komunalnim otpadom koji su u nadležnosti Kantona, vrši kantonalna komunalna inspekcija organizovana unutar Kantonalne uprave za inspeksijske poslove.

(4) Inspeksijski nadzor nad vršenjem poslova koji su u nadležnosti Općine vrši općinski komunalni inspektor.

#### Član 49.

##### (Obavljanje poslova inspeksijskog nadzora)

(1) U obavljanju poslova inspeksijskog nadzora kantonalni inspektor za zaštitu okoliša nadzire:

- a) proizvođača i vlasnika otpada,
- b) rad operatora za upravljanje otpadom,
- c) vođenje evidencija i registra o otpadu i dostavljanje izvještaja i podataka,
- d) provođenje mjera i aktivnosti postupanja s otpadom, utvrđenih procjenom uticaja na okoliš,
- e) prostore, objekte i uređaje na kojima se obavljaju aktivnosti postupanja s otpadom,
- f) rad operatora koji obavlja djelatnost postupanja s opasnim otpadom.

(2) U obavljanju poslova inspeksijskog nadzora kantonalni komunalni inspektor nadzire:

- a) proizvođača i vlasnika komunalnog otpada,
- b) rad operatora za upravljanje komunalnim otpadom,
- c) vođenje evidencija i registra o komunalnom otpadu i dostavljanje izvještaja i podataka,
- d) provođenje mjera i aktivnosti postupanja s komunalnim otpadom utvrđenih procjenom uticaja na okoliš,
- e) prostore, objekte i uređaje na kojima se obavljaju aktivnosti postupanja s komunalnim otpadom,
- f) rad i postupanje općinskog komunalnog inspektora nad vršenjem poslova koji su u nadležnosti Općine,
- g) provođenje odredaba kantonalnog Zakona o komunalnim djelatnostima u dijelu koji se odnosi na oblast upravljanja otpadom.

3) U obavljanju poslova inspeksijskog nadzora općinski komunalni inspektor nadzire:

- a) proizvođača i vlasnika komunalnog otpada,
- b) rad operatora za upravljanje komunalnim otpadom, osim aktivnosti u postupanju s komunalnim otpadom koje se, u skladu sa odredbama ovog Zakona, obavljaju na međuopćinskom – kantonalnom nivou,
- c) vođenje evidencije o komunalnom otpadu i dostavljanje podataka,
- d) provođenje mjera i aktivnosti postupanja s komunalnim otpadom,

e) prostore i objekte za skupljanje i privremeno skladištenje komunalnog otpada,

f) provođenje odredaba kantonalnog Zakona o komunalnim djelatnostima, u dijelu koji se odnosi na oblast upravljanja otpadom, kao i općinske odluke donesene na osnovu tog Zakona.

#### Član 50.

##### (Ovlaštenja inspektora)

(1) U obavljanju poslova inspeksijskog nadzora kantonalni inspektor za zaštitu okoliša ima pravo i ovlašten je da:

- a) uđe na lokaciju, u postrojenja i poslovne prostorije operatora za upravljanje otpadom i proizvođača otpada, ukoliko ovaj vrši određene aktivnosti u postupanju sa otpadom,
- b) zahtjeva od svih pravnih i fizičkih lica, operatora za upravljanje otpadom i proizvođača otpada, da stave na raspolaganje sve potrebne podatke, dokumentaciju i informacije,
- c) zatraži i pregleda isprave na osnovu kojih se može utvrditi identitet odgovornog lica u pravnom licu,
- d) zaustavi prevoz otpada,
- e) otvori kontejnere s otpadom,
- f) uzme uzorke iz otpada,
- g) vizuelno evidentira činjeničnu situaciju (video, slike itd.),
- h) zahtijeva preduzimanje svih neophodnih mjera, radi usklađivanja aktivnosti s uslovima iz dozvole za upravljanje otpadom i posebnih propisa,
- i) zaustavi aktivnosti ako su u opasnosti okoliš i ljudsko zdravlje,
- j) preduzme i druge mjere u skladu s ovim Zakonom, Federalnim Zakonom o upravljanju otpadom i propisima donesenih na osnovu tih Zakona.

(2) U obavljanju poslova inspeksijskog nadzora kantonalni komunalni inspektor ima pravo i ovlašten je da:

- (a) uđe na lokaciju, u postrojenja i poslovne prostorije operatora za upravljanje komunalnim otpadom,
- (b) zahtijeva od svih pravnih i fizičkih lica, operatora za upravljanje komunalnim otpadom da stave na raspolaganje sve potrebne podatke, dokumentaciju i informacije,
- (c) zatraži i pregleda isprave na osnovu kojih se može utvrditi identitet odgovornog lica u pravnom licu,

- (d) zaustavi prevoz komunalnog otpada,
- (e) uzme uzorke iz komunalnog otpada,
- (f) zahtijeva preduzimanje neophodnih mjera od strane operatora za komunalni otpad, radi usklađivanja aktivnosti u postupanju s komunalnim otpadom iz dozvole za upravljanje komunalnim otpadom i posebnih propisa,
- (g) zaustavi aktivnosti u postupanju s komunalnim otpadom ako su opasne po okoliš i zdravlje ljudi,
- (h) pruža stručnu pomoć općinskom komunalnom inspektoratu,
- (i) izvrši inspekcijski nadzor i preduzme odgovarajuće mjere, kada općinski komunalni inspektor propusti da izvrši inspekcijski nadzor,
- (j) preduzme i druge mjere u skladu s ovim Zakonom, Federalnim Zakonom o upravljanju otpadom, Zakonom o komunalnim djelatnostima i propisima donesenim na osnovu tih Zakona.

(3) U obavljanju poslova inspekcijskog nadzora općinski komunalni inspektor ima pravo i ovlašten je da:

- a) kontroliše da li se komunalna djelatnost skupljanja i tretiranja komunalnog otpada obavlja na način utvrđen ovim Zakonom, Federalnim Zakonom o upravljanju otpadom i kantonalnim Zakonom o komunalnim djelatnostima i propisima donesenim na osnovu tih Zakona,
- b) uđe na lokaciju i prostore, postrojenja i poslovne prostorije operatora za upravljanje komunalnim otpadom, osim aktivnosti koje se obavljaju na međupćinskom, kantonalnom nivou,
- c) zahtijeva od svih pravnih i fizičkih lica operatora za upravljanje komunalnim otpadom da stave na raspolaganje sve potrebne podatke, dokumentaciju i informacije,
- d) zatraži i pregleda isprave na osnovu kojih se može utvrditi identitet odgovornog lica u pravnom licu,
- e) zaustavi prevoz komunalnog otpada,
- f) uzme uzorke iz komunalnog otpada,
- g) vizuelno evidentira činjenično stanje (video, slike, itd.),
- h) zahtijeva preduzimanje svih neophodnih mjera od strane operatora za komunalni otpad radi usklađivanja aktivnosti s uslovima iz dozvole

za upravljanje komunalnim otpadom i posebnih propisa,

- i) zaustavi aktivnosti upravljanja komunalnim otpadom ako su opasne po okoliš i zdravlje ljudi,
- j) preduzme i druge mjere u skladu s ovim Zakonom, Federalnim Zakonom o upravljanju otpadom, kantonalnim Zakonom o komunalnim djelatnostima i propisima donesenim na osnovu tih zakona.

(4) O izvršenom inspekcijskom pregledu inspektor će sačiniti zapisnik.

(5) Zapisnik o inspekcijskom pregledu potpisuju inspektor i predstavnik ili radnik operatora za upravljanje otpadom.

(6) Jedan primjerak zapisnika predaje se operatoru za upravljanje otpadom kod kojeg se vrši inspekcijski pregled.

#### **Član 51.**

##### **(Poduzimanje upravnih mjera od strane inspektora)**

(1) Nakon izvršenog inspekcijskog pregleda inspektor rješenjem naređuje izvršenje određenih mjera i radnji, a naročito:

- a) određuje posebne uslove za budući rad,
- b) propisuje posebne mjere koje se trebaju preduzeti, određuje rok za preduzimanje mjera,
- c) naređuje obustavu rada dok se uslovi ili zahtjevi ne ispune,
- d) izriče novčanu kaznu ili druge mjere zbog kršenja uslova propisanih dozvolom za upravljanje otpadom,
- e) naređuje zatvaranje postrojenja ako se aktivnosti ne mogu izvoditi bez štete po okoliš i ljudsko zdravlje,
- f) naređuje otklanjanje uzroka štete i vraćanje okoliša u prvobitno stanje.

(2) Ako u vršenju inspekcijskog nadzora inspektor utvrdi da će budući rad ili proizvodnja prouzrokovati neposrednu opasnost, žalba na rješenje inspektora ne odlaže njegovo izvršenje.

#### **Član 52.**

##### **(Organi nadležni za rješavanje po žalbama)**

(1) Žalba protiv rješenja i zaključka o dozvoli izvršenja kantonalnog inspektora za zaštitu okoliša i kantonalnog komunalnog inspektora, donesenog na osnovu ovog Zakona i propisa donesenih na osnovu ovog Zakona izjavljuje se rukovodiocu Kantonalne uprave za inspekcijske poslove.

(2) Žalba protiv rješenja i zaključka o dozvoli izvršenja općinskog komunalnog inspektora, donesenog na osnovu ovog Zakona i propisa donesenih na osnovu ovog Zakona izjavljuje se kantonalnom komunalnom inspektoratu organiziranom unutar Kantonalne uprave za inspeksijske poslove.

(3) Žalba protiv rješenja i zaključka o dozvoli izvršenja općinskog komunalnog inspektora, donesenog na osnovu općinskih propisa, izjavljuje se općinskom organu uprave određenim propisom Općine.

### Član 53.

#### (Primjena Zakona o upravnom postupku)

U vršenju svojih ovlaštenja inspektori primjenjuju odredbe Zakona o upravnom postupku („Sl. novine F BiH“, broj: 2/98 i 48/99).

## VIII KAZNE NE ODREDBE

### Član 54.

#### (Novčane kazne za prekršaje)

(1) Novčanom kaznom u iznosu od 1.000,00 KM do 5.000,00 KM kaznit će se za prekršaj pravno lice ako:

- a) kao proizvođač i vlasnik opasnog i ostalih vrsta otpada ne preda operatoru za skupljanje, prevoz i/ili obradu otpada prateći list s podacima o otpadu (član 37. stav (1)),
- b) kao proizvođač i vlasnik otpada navede netačne podatke u pratećem listu (član 37. stav (2)),
- c) kao operator za skupljanje, prevoz i obradu otpada preuzme od proizvođača otpada, otpad bez uredno popunjenog i ovjerenog pratećeg lista (član 37. stav (3)),
- d) kao operator za skupljanje, prevoz i obradu otpada ne provjeri da li podaci u pratećem listu odgovaraju vrsti otpada koji se preuzima (član 37. stav (4)),
- e) kao operator za skupljanje, prevoz i obradu otpada ne dostavi po jedan primjerak pratećeg lista proizvođaču otpada i Ministarstvu (član 37. stav (5)),
- f) kao proizvođač opasnog otpada uz prateći list ne preda operatoru za skupljanje, prevoz i/ili obradu opasnog otpada i izvještaj o ispitivanju fizikalnih i kemijskih svojstava otpada (član 38. stav (1)),
- g) kao proizvođač opasnog otpada koji predaje količinu opasnog otpada poznatog sastava manju od jedne tone uz prateći list ne preda operatoru za skupljanje, prevoz i/ili obradu

opasnog otpada i ovjerenu izjavu o fizikalnim i kemijskim svojstvima otpada (član 38. stav (2)),

- h) kao operator za skupljanje i/ili prevoz opasnog otpada uz prateći list ne preda operatoru za obradu opasnog otpada i izvještaj o ispitivanju fizikalnih i hemijskih svojstava otpada, odnosno izjavu o fizikalnim i hemijskim svojstvima otpada (član 38. stav (3)),
  - i) kao proizvođač i vlasnik otpada ne vodi evidenciju o količinama i vrsti otpada, u skladu s Pravilnikom o kategorijama otpada sa listama (član 40. stav (1)),
  - j) kao proizvođač i vlasnik otpada koji vrši obradu i odlaganje otpada, pored evidencije o količinama i vrsti otpada, ne vodi i evidenciju o načinu upravljanja i postupanja s otpadom (član 40. stav (2)),
  - k) kao operator za komunalni otpad ne vodi evidenciju o komunalnom otpadu (član 40. stav (3)),
  - l) kao proizvođač i vlasnik otpada, odnosno operator za komunalni otpad ne dostavlja općinskom organu uprave nadležnom za poslove upravljanja otpadom podatke iz evidencije o otpadu (član 40. stav (7)),
  - m) kao proizvođač otpada, odnosno operator za upravljanje otpadom onemogućiti rad inspektora u okviru njegovih ovlaštenja (član 50. stav (1) i (2)).
- (2) Za prekršaj iz stava (1) ovog člana kaznit će se i odgovorno lice u pravnom licu novčanom kaznom u iznosu od 500,00 KM do 1.500,00 KM.
- (3) Za prekršaj iz stava (1) ovog člana kaznit će se i fizičko lice, proizvođač otpada, odnosno operator za upravljanje otpadom novčanom kaznom od 300,00 KM do 1.500,00 KM.

### Član 55.

(1) Novčanom kaznom u iznosu od 2.000,00 KM do 10.000,00 KM kaznit će se za prekršaj pravno lice ako:

- a) s otpadom postupa suprotno odredbama člana 4. ovog Zakona,
- b) kao proizvođač otpada koji je po svojstvima i sastavu sličan otpadu iz domaćinstva ne vrši izdvajanje korisnih komponenti otpada radi reciklaže (član 27. stav (2)),
- c) prilikom postupanja s otpadom ne izdvoji opasni otpad (član 34. Stav (1)),
- d) vrši prevoz opasnog otpada zajedno s drugim vrstama otpada (član 34. stav (2)),

- e) kao operator za skupljanje i prevoz opasnog otpada ne dostavi opasni otpad obrađivaču otpada u stanju u kakvom ga je primio od proizvođača ili vlasnika otpada (član 34. stav (3)),
- f) privremeno skladištenje opasnog otpada unutar poslovnog prostora proizvođača, nije strogo kontrolirano i u skladu sa propisom (član 34. stav (4)),
- g) opasni otpad privremeno skladišti dulje od 12 mjeseci (član 34. stav (4)),
- h) neopasni otpad čija se vrijedna svojstva mogu iskoristiti odvojeno ne skuplja i ne skladišti (član 35. stav (1)),
- i) posebno ne skuplja i ne označava i u najvećoj mjeri ne reciklira industrijski, ambalažni, građevinski, električni i elektronički otpad, otpadna vozila i otpadne gume (član 36. stav (1)),
- j) kao operatori za upravljanje otpadom u okviru svojih godišnjih planova poslovanja ne donesu i planove razvoja i obavljanja povjerenih aktivnosti upravljanja otpadom (član 15. stav (1)),
- k) kao operator postrojenja, za koja je prema Zakonu o zaštiti okoliša potrebna okolinska dozvola, ne izradi plan o upravljanju otpadom (član 16. stav (1))
- l) kao operator postrojenja za koje je potrebna okolinska dozvola, ne odredi lice odgovorno za poslove upravljanja otpadom (član 17. stav (1)),
- m) kao proizvođač otpada koji u jednoj kalendarskoj godini proizvede više od 100 tona neopasnog otpada ili više od 150 kilograma opasnog otpada ne izradi Plan postupanja s otpadom (član 18. stav (1)).

(2) Za prekršaj iz stava (1) ovog člana kaznit će se i odgovorno lice u pravnom licu novčanom kaznom u iznosu od 500,00 KM do 1.500,00 KM.

(3) Za prekršaj iz stava (1) ovog člana kaznit će se i fizičko lice, proizvođač otpada, odnosno operator za upravljanje otpadom novčanom kaznom od 300,00 KM do 1.500,00 KM.

#### Član 56.

(1) Novčanom kaznom u iznosu od 1.000,00 KM do 5.000,00 KM kaznit će se za prekršaj općinski organ uprave nadležan za poslove upravljanja otpadom ako:

- a) ne izradi popis otpadom onečišćenih površina i divljih odlagališta na području općine (član 33. stav (1)),
- b) ne vodi registar podataka o proizvodnji otpada, upravljanju i postupanju s otpadom (član 41. stav (1)),

c) zbirni izvještaj o vođenju registra podataka o proizvodnji otpada, upravljanju i postupanju s otpadom ne dostavi Ministarstvu do 31. januara tekuće godine za proteklu godinu (član 41. stav (1)),

d) ne omogući uvid u registar podataka o proizvodnji otpada, upravljanju i postupanju s otpadom (član 41. stav (5)).

(2) Za prekršaj iz stava (1) ovog člana kaznit će se i odgovorno lice u općinskom organu uprave za poslove upravljanja otpadom novčanom kaznom u iznosu od 200,00 KM do 1.000,00 KM.

#### Član 57.

(1) Novčanom kaznom u iznosu od 1.000,00 KM do 5.000,00 KM kaznit će se za prekršaj Ministarstvo ako:

a) ne vodi zbirni registar podataka o proizvodnji otpada, upravljanju i postupanju s otpadom i izdatim dozvolama za upravljanje otpadom za cijeli Kanton (član 41. stav (3)),

b) ne omogući uvid u registar podataka o proizvodnji otpada, upravljanju i postupanju s otpadom i izdatim dozvolama za upravljanje otpadom za cijeli Kanton (član 41. stav (5)).

(3) Za prekršaj iz stava (1) ovog člana kaznit će se i odgovorno lice u Ministarstvu novčanom kaznom od 200,00 KM do 1.000,00 KM.

### IX PRELAZNE I ZAVRŠNE ODREDBE

#### Član 58.

##### (Rokovi za donošenje kantonalnog i općinskih planova upravljanja otpadom)

(1) Plan iz člana 13. ovog Zakona Kanton će donijeti u roku od jedne godine od dana stupanja na snagu ovog Zakona.

(2) Plan iz člana 14. ovog Zakona Općine će donijeti u roku od jedne godine od dana stupanja na snagu ovog Zakona.

#### Član 59.

##### (Rokovi za donošenje akata Vlade Kantona)

Akt iz člana 31. stav (3) Vlada Kantona će donijeti u roku od jedne godine od dana stupanja na snagu ovog Zakona.

#### Član 60.

##### (Rokovi za donošenje propisa Ministarstva)

(1) Propise za provođenje ovog Zakona iz člana 24. stav (4), člana 27. stav (3), člana 30. stav (3), člana 40. stav (6) i člana 41. stav (2) ovog Zakona, Ministarstvo će donijeti u roku od jedne godine od dana stupanja na snagu ovog Zakona.

